

清

史

稿

清史稿

志

兵志

有清以武功定天下太祖高皇帝崛起東方初定旗兵制八旗子弟人盡爲兵不啻舉國皆兵焉太宗征藩部世祖定中原八旗兵力最強聖祖平南服世宗征青海高宗定西疆以旗兵爲主而輔之以綠營仁宗勦教匪宣宗禦外寇兼用防軍而以鄉兵助之文宗穆宗先後平粵捻湘軍初起淮軍繼之而練勇之功始著至是兵制蓋數變矣道咸以後海禁大開德宗復立海軍內江外海與水師並行而練軍陸軍又相繼以起擾攘數年卒釀新軍之變以兵興者終以兵敗嗚呼豈非天哉今作兵志一曰八旗二曰綠營三曰防軍附陸軍四曰鄉兵五曰土兵六曰水師七曰海軍八曰邊防九曰海防十曰訓練十一曰製造十二曰馬政並分著於篇

兵志一

八旗

清初太祖以遺甲十三副起歸附日衆設四旗曰正黃正白正紅正藍復增四旗曰鑲黃鑲白鑲紅鑲藍統滿洲蒙古漢軍之衆八旗之制自此始每旗三百人爲一牛录以牛录額眞領之五牛录領以札蘭額眞五札蘭額眞領以固山額眞每固山設左右梅勒額眞天命五年改牛录額眞俱爲備禦官天聰八年定八旗官名總兵爲昂邦章京副將爲梅勒章京參將爲甲喇章京各分三等備禦爲牛录章京旗長爲專達又定固山額眞行營馬兵爲阿禮哈超哈其後曰驍騎營巴雅喇營前哨兵爲噶布什賢超哈其後曰護軍及前鋒營駐防盛京兵爲守兵預備兵爲援兵各城寨兵爲守邊兵舊蒙古左右營爲左右翼兵舊漢兵爲烏眞超哈孔有德之天祐兵尙可喜之天助兵并入漢軍九年以所獲察哈爾部衆及喀喇沁壯丁分爲蒙古八旗制與滿洲八旗同崇德二年分漢軍爲二旗置左右翼四年分爲四旗曰純皂曰皂鑲黃曰皂鑲白曰皂鑲紅七年設漢軍八旗制與滿洲同世祖定鼎燕京分置滿蒙漢八旗於京城以次釐定兵制禁衛兵大類有二曰耶衛曰兵衛耶衛之制領侍衛內大臣六人鑲

黃正黃正白旗各二人內大臣六人散秩大臣無定員侍衛分四等更有藍翎侍衛凡御前侍衛乾清門侍衛由三旗簡用漢侍衛由武進士簡用皆無定員初鑲黃正黃正白三旗天子自將選其子弟曰侍衛凡值殿廷以領侍衛內大臣統之宿衛乾清門內右門神武門甯壽門爲內班宿衛太和門爲外班行幸駐蹕咸從其扈從後扈二人前引十人豹尾班侍衛六十人凡佐領親軍鑲黃旗滿洲八十五佐領蒙古二十八佐領每佐領親軍二人正黃旗滿洲九十三佐領蒙古二十四佐領正白旗滿洲八十六佐領蒙古二十九佐領三旗親軍選六十人隨侍衛行走餘皆值宿巡幸則御前大臣侍衛乾清門侍衛咸從行營則列兩廂餘於幔城之隅環拱宿衛康熙二十九年以武進士技優者拔置侍衛借三旗值宿雍正十一年以親軍未滿十年者挑選前鋒滿漢八旗左右翼各設前鋒統領一人備警蹕宿衛侍衛班內有上駟院侍衛司轡司鞍其兼尙虞鷹鷂房隴房十五善射射鵠善撲等侍衛統在三旗額內俱無定員鑾儀衛亦侍從武職設掌衛司內大臣一人鑾儀使三人冠軍使十人雲麾使治儀

正整儀尉各有差專司乘輿鹵簿校尉由內府選者爲旗尉由五城選者爲民尉此八旗郎衛制也兵衛之制定鼎初卽以上三旗守衛紫禁宮闕以護軍統領參領前鋒統領率之噶布什賢超哈滿洲蒙古八旗分左右翼備宿衛內務府三旗各設佐領三人旗鼓佐領四人正黃旗設朝鮮佐領一人每二丁設馬甲一每佐領各設領催六護軍十五以領侍衛內大臣率之內務府官兵守護行宮者分東西北三路設千總等官兵額不等熱河行宮亦如之其守護陵寢者順治初永陵福陵昭陵各設雲騎尉尉嗣後盛京三陵增設總管防禦驍騎校京師東西陵制亦如之所屬各旗驍騎有差八年制定親王至輔國公等以次設長史護衛等官十七年定八旗漢字官名固山額眞曰都統梅勒章京曰副都統甲喇章京曰參領牛录章京曰佐領昂邦章京曰總管烏眞超哈曰漢軍凡滿蒙漢各旗共選四千八百人爲養育兵訓練技藝嗣後兵額屢增乾隆中滿蒙養育兵至二萬三百餘人盛京捕牲烏拉設總管協領佐領等員轄打牲兵丁吉林之參戶蜜戶漁戶獵戶鷹狐獺鶴諸戶咸隸內府三旗其巡

捕營汛守外七城門上設步兵汛二十五所城外分中南北三營馬步兵汛額各有差統以參將遊擊等暢春圓明靜明等園守兵統以守備康熙初定駐蹕之地八旗護軍分左右翼宿啓蹕則三旗營總護軍參領隨行十三年定八旗步兵二萬一千餘名烏槍步兵凡千七百三十七名又定內九門外七門設城門校轄十六門門軍其步軍營汛守皇城內各汛專用滿洲城外各汛兼用蒙古漢軍尋定上駐園則八旗兩翼翼分七汛更番宿衛每日當值之前鋒烏槍護軍共七百二十人二十一年定田獵每年三舉八旗各簡前鋒軍校以從二十二年定車駕巡幸期八旗驍騎營於內外城並增汛所二十三年以黑龍江所進精騎射善殺虎者編虎槍營三十年設火器營雍正元年設巡捕營馬兵汛十五步兵汛五十二凡朝會期協尉副尉率步軍巡警二年諭各族共選四千八百教養兵習長槍挑刀各藝四年令八旗前鋒習射月六次其專司防火者曰防範兵九年令五旗門汛護軍馬甲均歸本營操演令三旗增訓練兵二千編爲二營十三年額定馬甲五千二百五十春秋二季合操乾隆十四年

設雲梯兵一營又於昆明湖設趕縵船以前鋒軍習水戰二十五年令來京回人編一佐領以和卓爲佐領統轄之後皆準此三十九年定大閱頭隊前鋒八旗分爲八隊每隊小旗八海螺四爲殿後兵四十一年以來京之番子視回人例編一佐領統於內務府正白旗四十六年增京師步軍左右二營合南北中爲五管分二十三汛領兵一萬於八旗漢軍鄂爾布步甲閒散內擇壯丁充補嘉慶四年令巡捕五營以中營作提標管圓明園五汛參將四人分管南北左右四營共十八汛兩翼總兵分轄之十七年以增設之健銳營歸左翼外火器營歸右翼合八旗前鋒內火器營驍騎營凡三十六營咸豐三年諭京師各旗營兵十四萬九千有奇統兵大臣分班親閱馬步火器務令精整不得以臨時召募濫充十年從勝保請令八旗兵加練槍礮擡槍同治四年諭醇親王訓練神機營旗綠各營亦隨時校閱光緒二十四年選練神機營馬步隊以萬人爲先鋒隊習槍礮及行陣戰法此八旗兵衛制也八旗駐防之兵大類有四曰畿輔駐防兵其藩部內附之衆及在京內務府理藩院所轄悉附焉曰東三省駐

防兵曰各直省駐防兵新疆駐防兵附焉曰藩部兵機輔駐防兵制順治初獨石口張家口山海關喜峯口古北口並設防禦一人或二人采育里固安縣設防守尉防禦有差康熙十四年察哈爾八旗每旗設總管一人副總管一人參領三人佐領驍騎校護軍校各有差捕盜官每旗二人親軍前鋒各二護軍十七領催四驍騎二十五在京蒙古都統兼轄之山海關總管一人防禦八人滿蒙漢兵七百有奇尋設張家口總管一防禦七兵百三十有奇獨石口古北口增防禦各二喜峰口防禦二冷口羅文口防禦各一兵多則六十八少則十二人雍正三年設天津水師營都統一協領六佐領防禦驍騎校各三十二旗兵千六百人蒙古兵四百人分左右兩翼乾隆三年增熱河駐防兵二千人委前鋒校前鋒領催烏槍領催馬甲烏鎗馬甲炮甲弓矢匠各有差以千四百人駐熱河四百駐喀喇河屯二百駐樺榆溝八年改山海關總管爲副都統增協領佐領諸屬滿蒙漢兵共八百人分左右翼二十六年設察哈爾都統一人駐張家口理八旗游牧兼轄防兵副都統二人駐左右翼游牧邊界四十五年設駐

防密雲滿蒙兵二千嘉慶三年增熱河圍場副都統九年改總管十五年改設都統一人以厄魯特達什達瓦降衆徙居科布多旋分其屬爲三旗設總管副總管佐領驍騎校等尋移至熱河作爲官兵先是康熙中建避暑山莊於熱河設總管守備千總分守各行宮乾隆間增建行宮設千總委署千總一二人兵自六人至九十八人不等木蘭圍場總管一人康熙季年設有防禦八及滿蒙兵百餘迨乾隆中年增左右翼長二驍騎校八駐兵共八百人每一兵給地一頃二十畝或地不宜耕種則改給牛羊木蘭之地周遭樹柵爲界設管房八卡倫四十八旗各分五卡倫各以旗兵守之道光四年諭駐京旗兵遇閏月賞給甲米他省不得援例此畿輔駐防制也東三省駐防兵制共駐四十四所兵三萬五千三百餘人凡前鋒領催馬甲守門庫等兵步甲夜捕手匠役養育兵烏鎗馬甲領催水手之屬或設或否名額多寡各視駐地所宜損益區置之初無定限其在盛京天聰間始設駐防於牛莊蓋州兵九十六人順治元年世祖將遷燕京設盛京八旗駐防兵以正黃旗內大臣和洛會總統之以鑲黃旗梅勒

章京統左翼正紅旗梅勒章京統右翼每旗設滿洲協領一佐領四蒙古漢軍佐領各一設熊岳城守官其下滿洲佐領三漢軍佐領一錦州鳳凰城寧遠城守官其下各設滿洲佐領各二漢軍佐領一興京遼陽牛莊岫巖義州城守官滿洲佐領各一人蓋州海州滿漢佐領各一統駐防兵康熙元年改盛京昂邦章京爲鎮守遼東等處將軍梅勒章京二人爲副都統統轄協領佐領驍騎校四年改遼東將軍爲奉天將軍十四年設錦州義州城守尉各一佐領驍騎校各有差各邊門皆置防禦一尋設開原防禦三金州防禦一兵弁各有差五十五年設金州駐防水師營船十號兵五百水手一百雍正五年設熊岳副都統一入廣甯義州錦州寧遠至山海關設副都統一復州南金州鳳凰城岫巖旅順等處設副都統一分轄旗兵乾隆十二年改奉天將軍爲鎮守盛京將軍盛京各額兵都一萬五千有奇其在吉林順治十年設甯古塔昂邦章京一梅勒章京二佐領驍騎校各八十八年設吉林水師營康熙元年改甯古塔昂邦章京爲將軍梅勒章京爲副都統三年設水營總管各員七年增甯古塔協領二

十年以寧古塔副都統一佐領驍騎校各十一兵七百移駐吉林又增吉林協領八佐領防禦驍騎校各十二兵六百人尋增防禦十五人十五年移寧古塔將軍駐吉林留副都統於寧古塔增吉林副都統一人三十一年設伯都訥協領二人佐領驍騎校各三十防禦八五十三年設三姓理春協領一佐領驍騎校防禦有差雍正三年設阿勒楚喀協領一人佐領驍騎校防禦各五十年設三姓副都統一人尋設吉林烏鎗營參領一人佐領驍騎校各八烏鎗兵千乾隆十三年令打牲烏拉兵歸吉林將軍兼轄先是順治時設打牲烏拉協領二又設總管一人統轄珠軒頭目及參密漁獵諸戶專司采捕諸役後遞增佐領防禦八驍騎校十或八額兵千至是以在吉林境命兼統於吉林將軍二十一年設阿勒楚喀副都統一人道光六年以雙城堡移駐京旗分左右翼各設總副屯達二人嗣又分一旗五屯增總副屯達各六人其在黑龍江富康熙初年自吉林移駐水師營來駐齊齊哈爾等處水手一千有奇盛京壯丁散處者隨時編入八旗巴爾呼人錫伯人居近吉林卦勒察人居近伯都訥庫爾喀人居

近瑯春並設佐領驍騎校等分駐其東北最遠者索倫達呼爾二部天命天聰間相率內附其後分充各城額兵至鄂倫春所居益遠使馬使鹿部分處山林業捕貂皆審戶比丁列於軍伍二十二年初置黑龍江將軍原水師營總管等並屬之設副都統二協領四佐領驍騎校各二十四防禦八滿洲兵千索倫達呼爾兵五百駐愛瑯城二十三年設打牲處總管一副總管二以索倫達呼爾壯丁編設佐領驍騎校尋於墨爾根城設駐防兵二十九年移將軍駐墨爾根又增協領四佐領驍騎校各七索倫達呼爾兵四百餘以副都統一人統兵駐愛瑯尋設兵千餘駐防齊齊哈爾三十八年將軍復自墨爾根移駐齊齊哈爾四十九年設墨爾根副都統一人雍正六年增設打牲處總管三滿洲索倫達呼爾副總管十六索倫達呼爾佐領驍騎校各六十二年設呼倫貝爾統領一索倫巴爾呼總管副總管各二佐領驍騎校各五十兵三千尋增兵二千有奇厄魯特總管副總管各一乾隆八年改呼倫貝爾統領爲副都統嘉慶九年以齊齊哈爾等處承種官田馬甲歸各本旗所墾新田改增養育兵耕種咸豐

八年增黑龍江馬甲千光緒八年將軍文緒請由黑省至茂興設七站由茂興至呼蘭設五台共台站六十人置掌路記防禦一驍騎校二領催六分隸鈴東黑龍江八旗兵約分五類曰前鋒共百四十六人佩漿鞭負旗幟爲先導曰領催供會計書寫馬甲之長也共七百四十八人曰馬甲又稱披甲共九千二百十三人曰匠役爲烏槍弓鐵鞍諸匠共一百五十二人曰養育兵康熙季年始以旗兵屯田至嘉慶中改屯田馬甲爲養育兵共八百人別有未入伍者曰西丹譯言控馬奴不得預征伐之事此東三省駐防制也各直省駐防制順治二年始設江南江甯左翼四旗陝西西安右翼四旗皆置滿蒙兵二千弓匠二十八鐵匠五十六年於山西太原設正藍鑲藍二旗滿蒙駐防兵暨游牧察哈爾兵初太宗親征察哈爾降土默特之衆後編爲二旗設左右翼都統部衆得同辦事旋裁都統以旗務掌之將軍副都統與內八旗等至是游牧察哈爾遂列於山西駐防十一年設山東德州鑲黃正黃二旗滿蒙領催馬甲暨弓鐵匠十五年增設西安佐領驍騎校二十八驍騎一千設浙江杭州滿蒙八旗馬甲

步甲弓匠漢軍馬甲步甲鐵匠滿漢棉甲兵共四千有奇其後每旗並增佐領
驍騎校驍騎十六年改設京口駐防鎮海將軍一副都統二協領參領防禦佐
領驍騎校有差尋增江甯西安步甲各一千康熙十三年增西安右翼四旗滿
蒙馬甲千弓鐵匠十四漢軍馬甲等江甯馬甲千後又各增兵二千及弓鐵匠
等是年增京口步甲千人十五年設陝西甯夏八旗滿蒙領催馬甲步甲弓鐵
匠十九年設福建福州左翼四旗漢軍領催馬甲步甲鐵匠及滿蒙步甲二十
年設廣東廣州鑲黃正黃正白上三旗漢軍領催馬甲炮甲弓匠二十二年設
湖廣荊州八旗滿蒙領催馬甲步甲弓鐵匠共二千八百有奇尋增至四千人
是年又增西安將軍增滿洲左右翼副都統各一漢軍左右翼亦如之八旗滿
蒙協領各八漢協領佐領防禦驍騎校不等滿蒙漢兵共七千滿蒙步軍七百
暨弓鐵匠等二十二年續設廣州鑲白正紅鑲紅正藍鑲藍五旗漢軍兵設將
軍一人副都統二協領參領各八防禦驍騎校各四十八旗鳥槍領催鳥槍驍
騎領催驍騎炮驍騎弓鐵匠共三千有奇兼置綠旗左右前後四營將領八兵

三千四百有奇尋於福州荊州寧夏江甯京口杭州並分設鳥槍領催鳥槍驍騎領催驍騎各有差京口步軍內兼設鳥槍弓箭長槍藤牌等兵額是年增設杭州駐防八旗滿蒙漢兵共三千二百人三十二年設山西右衛八旗滿蒙漢護軍領催馬甲鐵匠共五千六百有奇以將軍統之設隨甲四十八筆帖式六三十六年裁京口綠旗水師總兵改設京口副將分左右二營設遊擊以下將領八人兵一千九百人五十九年設河南開封滿蒙領催鳥槍領催馬甲鳥槍馬甲弓鐵匠六十年設四川成都副都統一協領四佐領防禦驍騎校鳥槍領催鳥槍驍騎驍騎暨步軍弓箭鐵匠雍正元年福州駐防漢軍步兵悉改馬兵二年增太原德州駐防兵各五百人六年設福州駐防水師營協領一人佐領防禦各二驍騎校六水師五百七年設駐防浙江乍浦水師旗營設青州駐防將軍副都統各一人協領四佐領防禦驍騎校十六暨八旗滿蒙兵弓鐵匠設廣州駐防水師營協領一人佐領防禦各二驍騎校八旗漢軍水師領催有差八年以各省駐防漢軍營伍廢弛令所在將軍訓練之設防駐青州八旗滿洲

兵二千人增右衛駐防兵五百人自將軍及兩翼副都統以下設協領佐領防
禦驍騎校滿蒙前鋒滿蒙漢領催等及驍騎三千有奇十三年設甘肅涼州八
旗滿蒙漢兵凡二千人設駐防莊浪八旗滿蒙漢兵凡千人乾隆二年設駐防
綏遠城以征準噶爾之滿蒙漢開戶家丁二千四百熱河駐防兵千及右衛蒙
古兵五百凡三千九百人設涼州將軍副都統各一人滿蒙漢佐領防禦驍騎
校步軍尉及八旗驍騎二千人步軍六百人又設莊浪駐防副都統一人滿蒙
漢協領佐領防禦步軍尉及八旗驍騎一千人步軍四百人四年改寧夏駐防
步甲六百爲養育兵增荊州養育兵四百人十年設江寧駐防養育兵二十一
年定開封城守尉歸巡撫統轄二十二年裁京口將軍以綠旗左右營改隸江
寧將軍二十五年改綏遠將軍駐防兵額步軍養育兵各四百共領催前鋒驍
騎實二千四百人二十八年以土默特二旗歸綏遠城將軍統轄設歸化城副
都統一人三十九年改杭州駐防步軍一百二十八人爲養育兵四十一年設
成都駐防將軍一人四十九年增西安副都統一人嘉慶十二年飭各將軍不

得以老弱充兵額此各直省駐防制也新疆駐防兵制乾隆二十五年始議於新疆設兵駐守命阿桂率滿洲索倫驍騎五百綠營兵百回人二百至伊犁搜捕馬哈沁招撫厄魯特並築城屯墾其後陸續由內地增調屯田兵至二千五百人五年更替以五百人差操二千人屯種分二十五屯設屯鎮總兵其明年阿桂奏定卡倫侍衛十五人增伊犁駐防馬兵千五百合原額兵凡二千五百人二十七年以涼州莊浪駐防兵五千並戶口移駐伊犁旋以新疆底定設駐防兵制凡卡倫兵以待衛領之屯田兵以督屯武職領之駐防馬兵以佐領領之綠旗兵以營員領之而特設將軍爲之總轄侍衛章京等皆按年番替二十九年調綠營兵千在伊犁河岸築惠遠城其管理築城兵設副將一守備二千總二把總八以察哈爾移駐兵一千八百戶編兩昂吉領隊大臣統之設十二佐領分左右二翼每佐領設兵二百以黑龍江移駐戶千編一昂吉設六佐領領隊大臣統之又撥錫伯兵熱河滿蒙兵各一千及達什達瓦厄魯特兵五百俱攜眷駐伊犁定馬兵永遠駐守綠旗兵五年番換三十年以投出之厄魯特

人編一昂吉與達什達瓦部衆俱爲厄魯特昂吉以領隊大臣統之原厄魯特兵作厄魯特右翼白領隊大臣以下二三等侍衛藍翎侍衛無定員三十一年定烏魯木齊駐辦事大臣及協辦大臣統駐防兵及工作官兵置經理新疆貿易稽察卡倫台站各官三十二年定左翼厄魯特六佐領爲上三旗右翼厄魯特共十佐領編爲下五旗三十四年增惠寧城滿兵領隊大臣一人三十七年以投誠之沙畢納爾人等歸入下五旗厄魯特增設四佐領統之嘉慶二十年於沙畢納爾四佐領內增副總管一人道光十年以惠遠城滿兵四千六百有奇巴燕岱滿兵二千一百有奇諭將軍等不得議增兵額同治六年以哈薩克人東犯飭李雲麟訓練厄魯特蒙古兵以防之增布倫托海辦事大臣督率喇嘛建署治事並設幫辦一人此屬新疆北路者也其在南路防兵烏什駐總理回務參贊大臣協辦大臣各一人統轄滿洲綠旗及屯田各官兵兼轄阿克蘇賽里木拜城各駐防兵所屬有侍衛章京等官滿洲營領隊侍衛二駐轄翼長參領各一副參領委署參領各二前鋒校六綠旗營游擊以下屯田副將以下

各十八人阿克蘇駐章京一綠旗營游擊一賽里木駐翼長一兼統拜城駐防葉爾羌駐辦事參贊大臣及領隊大臣統轄滿洲營領隊副都統侍衛參領副參領等如烏什例和闐喀什噶爾並駐辦事大臣及領隊大臣統轄滿洲營侍衛章京領隊侍衛參領副參領等暨綠營總兵參將等官庫車駐辦事官統轄綠營都司以下官兼轄沙雅爾事哈喇沙爾駐辦事官統轄綠旗營城守及屯田駐防兵闡展駐領隊大臣一統協領佐領以下暨步兵綠旗兵乾隆二十四年以後於烏什駐辦事大臣阿克蘇駐辦事大臣協辦大臣各一人葉爾羌設辦事大臣二人及章京卡倫侍衛等滿洲營設副都統一人統健銳營前鋒參領副參領等安西滿洲營佐領五品官索倫五品官察哈爾佐領等綠營總兵游擊以下各官又於和闐駐領隊總兵官及游擊以下又喀什噶爾駐總兵理回疆事務大臣協辦大臣各一滿洲營設副都統一領隊侍衛二領隊侍衛兼統索倫兵索倫設委署副總管及佐領各二察哈爾總管一副總管二及護軍校以下綠營設提督及都司以下官英阿薩爾駐領隊總兵官一兼統索倫察

哈爾綠旗兵又於庫車哈喇沙爾開展並駐辦事大臣初擬站之改屬開展者凡六每臺置外委千把總一人葉爾羌西路南北路卡倫六各置坐卡侍衛一人東西南三路凡二十一臺各置筆帖式一人沙雅爾南路卡倫一庫車東路至哈喇沙爾西凡十臺置筆帖式一人每臺卡俱置防守兵多至十人少或一人俱有供役回人十戶尋各官兵歸併烏什阿克蘇止駐一章京及游擊以下旋改駐協辦大臣及領隊侍衛等喀什噶爾之總理大臣移駐烏什之永甯尋改設辦事大臣二人三十一年撤回索倫兵改遣健銳營兵九百人換防並令健銳營翼領一人正副委署參領十八人護軍校二十四人統兵分駐各回城四十四年裁闕展辦事大臣改設領隊大臣旋設土魯番屯田都司以下官道光八年以阿克蘇爲南路適中之地增兵一千移柯爾坪防兵五百歸阿克蘇裁拜城參將以下弁兵共新舊防兵二千二百人守卡借差兵外得練兵一千三百人控制各路九年於喀什噶爾邊增八卡倫弁兵尋以八卡倫內喀浪圭圖舒克塔烏拍拉特三處通霍罕要路於明約洛建堡設都司一人綠營兵

二百人駐守阿爾瑚馬廠三處建堡置兵二百或六十人葉爾羌屬卡倫七以亮葛爾庫庫雅爾爲通夷要隘英吉沙爾屬卡倫五惟烏魯克爲要路皆建土堡兵房設千總官其次設把總外委駐守兵多者六十人少者十五或十人咸豐三年以新疆南北兩路駐兵四萬餘人歲餉一百四十五萬軍興後餉餼艱難諭陝甘赴口外駐防官自是年始卽行停止其喀什噶爾英吉沙爾葉爾羌和闐八城防兵由烏魯木齊駐防滿洲兵綠旗兵酌撥四年改定新疆南路換防兵制增伊犁滿洲兵二百人烏魯木齊綠營兵千二百人滿洲兵三百人裁葉蒙羌喀什噶爾烏什阿克蘇四城防兵一千人七年以喀什噶爾撤回土爾扈特蒙兵留伊犁官兵防守八年令南路換防官兵自是年始分六年抽換以節繁費天山以南爲回部所居自設驛站卡倫無俟重兵防守烏什葉爾羌喀什噶爾英阿薩爾咸以滿漢兵協力守邊他如和闐阿克蘇庫車哈喇沙爾闐展則守以綠旗兵凡滿洲營駐防兵以三年更換綠旗營駐防兵以五年更換此南路之制也同治以來回疆不靖欽差大臣左宗棠次第殄平之新疆漸歸

版籍光緒初年改省議起左宗棠擬令將軍率旗營駐伊犁塔爾巴哈台改設都統並統綠旗各營迨八年收復伊犁從譚鍾麟劉錦棠言於南北兩路增設額兵其舊有參贊辦事領隊各大臣悉予裁汰卽自哈密至伊犁都統暨諸大臣名額亦酌撤之巴里坤古城烏魯木齊庫爾喀拉烏蘇等處所餘旗丁歸併伊犁滿營均改從各省駐防將軍管制十一年行省制成伊犁旗營實存勇七千留其精壯改馬隊九旗步隊十三旗以提督總兵分領之伊犁開屯由此始而旗屯居其一焉蓋新疆自滿部迄於設行省綜其駐防旗兵制度約略如此其藩部兵制曰內外蒙古曰青海曰西藏內外蒙古之兵設旗編次略同內八旗每旗設扎薩克一人汗王貝勒貝子公台吉爲之協理旗務二或四人亦台吉以上充任按丁數編爲佐領設佐領一驍騎校六每六佐領設參領一人佐領較多者設章京副章京各率所屬以聽於扎薩克內扎薩克蒙古凡二十四部四十九旗科爾沁六旗分左右二翼二翼又各分前後旗崇德元年設左翼旗左翼前旗右翼旗右翼前後旗順治六年設左翼後旗郭爾羅斯前後二旗

杜爾伯特一旗扎賚特一旗皆順治五年設扎魯特二旗左翼崇德元年設右翼順治五年設喀爾喀左翼一旗康熙三年設奈曼一旗敖漢一旗皆崇德元年設土默特二旗左翼崇德元年設右翼順治二年設喀沁喇沁三旗右翼崇德元年設左翼順治五年設康熙中增設一旗翁牛特左右二旗阿魯科爾沁一旗皆崇德元年設巴林左右二旗順治五年設克什克騰一旗順治三年設烏珠穆沁二旗右翼崇德六年設左翼順治三年設浩齊特二旗順治三年設左翼十年設右翼阿巴哈納爾二旗康熙四年設左翼六年設右翼阿巴噶二旗崇德六年設右翼順治八年設左翼蘇尼二旗崇德六年設左翼七年設右翼四子部落一旗順治八年設烏喇特右翼一旗順治十年設茂明安一旗順治元年設烏喇特前中後三旗順治五年設鄂爾多斯七旗兩翼中旗前旗後旗皆順治六年設雍正九年增設一旗歸化城土默特左右二旗崇德元年設後置副都統隸綏遠將軍轄之是爲內蒙古兵制外扎薩克蒙古喀爾喀四部凡八十六旗喀爾喀土謝圖汗部二十旗爲中路康熙三十年設十七旗遠雍

正間遞增至三十八旗尋分二十旗屬三音諾顏部存十八旗乾隆初復增二旗於本旗外分十九扎薩克掌之仍統於土謝圖汗部車臣汗部二十三旗爲東路康熙三十年設十二旗其後增至二十一旗乾隆間遞增二旗於本旗外分二十二扎薩克掌之仍統於車臣汗扎薩克圖汗部十七旗爲西路康熙三十年設八旗逮雍正間遞增至十五旗乾隆時遞增二旗於本旗外分十六扎薩克掌之仍統於扎薩克圖汗三音諾顏親王部二十二旗雍正十年設卽於土謝圖汗部內分轄二十旗乾隆初增二旗於本旗分二十一扎薩克掌之仍統於三音諾顏札薩克親王烏蘭烏蘇厄魯特部二旗康熙二十五年分設乾隆間隸移烏蘭烏蘇並隸三音諾顏部賀蘭山厄魯特一旗康熙三十六年設青海厄魯特部二十一旗雍正三年設二十旗乾隆十一年增設一旗青海游牧綽羅斯部二旗輝特部一旗土爾扈特部一旗喀爾喀部一旗皆雍正三年設哈密一旗康熙三十六年設吐魯番一旗雍正十年設都爾伯特十四旗乾隆十八年編設土爾扈特部乾隆三十六年編設康熙十三年定每年春季王貝

勒以各旗下台吉兵丁合操乾隆元年諭內札薩克六會防秋兵丁各備牧馬器械分二班錫林郭勒烏爾布伊克昭三會爲一班哲里木昭烏達卓索圖三會爲一班以大札薩克爲盟長每年遣大臣會同盟長按旗察閱兵丁其喀爾喀四部游牧防守兵萬人遣參贊大臣同喀爾喀將軍貝勒公等分年簡稽軍實三年命賞六會防秋牧馬之兵視康熙間成例分給弓矢衣服銀兩有差五十年諭蒙古兵丁應習圍場耆車臣汗土謝圖汗二部由庫倫辦事王大臣三音諾顏扎薩克圖汗二部由烏里雅蘇臺將軍大臣等分領練習並令各部落汗王公選大台吉各四人小台吉十人赴木蘭圍場道光三年從陝西總督那彥成言以青海二十四旗分左右二翼每翼設盟長副盟長每六旗設霍碩扎噶爾齊每三旗設一梅勒每旗設一甲喇各旗兵按人數之多寡隨官兵番值巡防十一年允楊遇春請以蒙古兵五百人析爲二班分防八十五年諭令察哈爾兵丁選補缺額與扎薩克游牧共衛北邊同治十年諭邊外各路台站都統或盟長分任管轄每台額定駱駝百頭馬五十四匹戈壁地備駱駝百五

十頭此內外蒙古及青海兵制也蒙古各盟當雍乾時征討準回資其兵力以集事自俄人闖入烏蘭海南北並受羈牽喀魯倫東西侵爲田牧雜居無限卡倫鄂博蓋同虛設矣西藏旗兵自乾隆五十七年始前後藏各設番兵千定日江孜各設五百前藏領兵者曰戴琿其下如琿又下甲琿定琿原置戴琿三人二駐後藏一駐定日復增戴琿一人駐江孜前藏番兵游擊統之後藏及江孜定日都司統之原有唐古特兵歸戴琿督練初制每番兵千弓箭三之烏槍七之嗣選唐古特兵三千烏鎗刀矛各半至是新設額兵三千每千人五成烏槍三成弓矢二成刀矛其唐古特兵由駐防將領督同番目教練前藏駐游擊守備各一千總二把總三外委五後藏駐游擊都司各一守備三千總二把總七外委九是年以福康安疏請江孜增守備一外委一兵三十人定日增守備一把總一外委一兵四十人尋用和琳疏言定日要隘曰轄爾多曰察木達杏嶺曰古喇噶木洞曰宗喀每處各設定琿一人番兵二十五人此西藏兵制大略也當乾隆十五年始除西藏王爵設駐藏大臣以達賴喇嘛統前藏班禪統後

藏前後藏凡設四汛游擊都司守備千把總外委十六人兵丁六百六十人戴
弁如琿甲琿定琿百六十六人番兵三千人騎兵五百人駐藏大臣與達賴班
禪參制之咸同以後廓爾喀嘯強於西英吉利侵軼於南中朝威力羸靡而已
八旗官兵額數代有增減舉其最近者以見例光宣之季實存名數職官約六
千六百有奇兵丁十二萬三百有奇八旗各營印務參領雖設專職大率參領
副參領兼之印務章京印務筆帖式亦兼職親軍校親軍拜唐阿等在各旗支
餉實於他所供差其醇王圍寢守護兵光緒間始增設前鋒護軍統領諸職雖
已汰去而設官已久職亦較崇仍序列之其他不具錄云鑲黃旗滿洲都統一
副都統二印務參領二參領副參領各五印務章京八佐領八十六驍騎校八
十六印務筆帖式八凡二百有三人領催四百二十八馬甲千五百六十二隨
甲八十六養育兵二千二百二十七親軍校十一親軍百五十八弓匠長七弓
匠七十八倉甲二十五通州十九
清河六餘如通州領催備宴馬甲蓋鑲鞍鞞頭箭鐵諸
匠拜唐阿分網戶粘杆備箭一人至九人陸軍部承差三人凡四千六百三十

人正黃旗滿洲自都統至印務章京及筆帖式並同鑲黃旗惟佐領九十三驍騎校九十二爲小異凡二百十六人領催四百六十二馬甲千六百二十八隨甲九十三養育兵二千三百九十三親軍校十一覺羅親軍四親軍百七十一南苑驍騎校一弓匠長八弓匠八十四餘如南苑馬甲備宴馬甲倉甲益鐵鞍匠庫使守吏酒吏鷹手鞭子手亭兵網戶粘杆拜唐阿等一至六人陸軍部承差一人凡四千九百十二人正白旗滿洲都統以下並同上佐領驍騎校亦同鑲黃旗凡二百有三人領催四百三十馬甲千四百十四隨甲八十六養育兵二千二百四親軍校十一覺羅親軍五親軍百五十六弓匠長十弓匠七十六倉甲三十通州二十
清河十餘如南苑馬甲備宴馬甲飽頭鞍箭盔諸匠鞭子手網戶備箭拜唐阿傳事兵等一至十二人陸軍部承差三人凡四千四百八十八人正紅旗滿洲都統以下並同上惟佐領驍騎校各七十四凡一百七十九人領催三百七十馬甲千二百八十七隨甲七十四養育兵一千八百八十八親軍校十六親軍百三十二弓匠長二弓匠七十二倉甲二十七通州十九
清河八餘如南

苑馬甲守吏庫吏傳事兵粘杆宰牲拜唐阿等一至九人凡三千八百九十五人鑲白旗滿洲都統以下並同上惟佐領驍騎校各八十四凡一百九十九人領催四百二十馬甲千四百十四隨甲八十四養育兵二千一百八十親軍校十三親軍百五十四覺羅親軍二弓匠長二弓匠七十二帳房頭目二倉甲二十七通州二十本裕倉七餘如鑲蓋諸匠鞭子手傳事渡吏亭兵備箭宰牲拜唐阿等一至四人陸軍部承差三人凡四千三百九十七人鑲紅旗滿洲都統以下並同上佐領驍騎校亦同鑲黃旗凡二百有三人領催四百三十馬甲千五百四十八隨甲八十六養育二千二百四親軍校十九覺羅親軍三親軍百五十弓匠長六弓匠八十倉甲二十七通州二十本裕倉七餘如鑲匠鑲匠鞭子手南苑馬甲承差傳事兵亭兵宰牲拜唐阿等一至四人凡四千五百七十七人正藍旗滿洲都統以下並同上惟佐領驍騎校各八十三凡一百九十七人領催四百十七馬甲千四百九十一隨甲八十三養育兵二千一百三十九親軍校十七覺羅親軍十一親軍百四十弓匠長二弓匠八十三倉甲九通州十七清河二餘如鑲匠鑲匠鞭

子手承差兵傳事兵亭兵南苑馬甲守吏拜唐阿宰牲拜唐阿等一至五人凡
四千四百三十三人鑲藍旗滿洲都統以下並同上佐領驍騎校俱同鑲白旗
凡二百有七人領催四百三十九馬甲千五百九十隨甲八十六公缺馬甲二
十四恩缺馬甲一養育兵二千二百四十九親軍校十五覺羅親軍六親軍百
五十五弓匠長六弓匠八十八餘如南苑馬甲南苑領催帳房頭目鐵匠鞭子
手酒醋局吏庫使傳事兵亭兵宰牲兵等一至八人陸軍部承差一人凡四千
六百九十人鑲黃旗蒙古都統一副都統二印務參領一參領二副參領二印
務章京四佐領驍騎校各二十八印務筆帖式四凡七十二人領催一百四十
馬甲四百九十七隨甲二十八養育兵五百九十二親軍校四親軍五十二弓
匠長一弓匠二十七餘如長號達長號益匠鞍匠網戶苑甲承差傳事兵亭兵
等一至六人凡千三百六十三人正黃旗蒙古自都統以下至印務章京及筆
帖式並同鑲黃旗惟佐領驍騎校各二十四凡六十四人催百二十馬甲四百
五十二養育兵五百八親軍校四親軍四十四弓匠二十四餘如長號拜唐阿

茶拜唐阿鞍匠一至七人凡千一百七十一人正白旗蒙古都統以下並同上
惟佐領驍騎校各二十九凡七十四人領催百四十五馬甲四百八十七隨甲
二十九養育兵六百九親軍校四親軍五十四弓匠長二弓匠二十七餘如長
號拜唐阿達拜唐阿網戶拜唐阿南苑馬甲蓋匠鞍匠亭兵等一至七人凡千
三百七十八人正紅旗蒙古都統以下並同上惟佐領驍騎校各二十二凡六
十人領催一百十馬甲三百八十一隨甲二十二養育兵四百六十親軍校六
親軍三十八弓匠長三弓匠十八餘如南苑馬甲哈那器馬甲蓋匠粘杆拜唐
阿亭兵等一至五人凡一千五十人鑲白旗蒙古都統以下並同上佐領驍騎
校俱同正黃旗凡六十四人領催一百二十馬甲四百四十養育兵五百八親
軍校二親軍四十八凡千一百十八人鑲紅旗蒙古都統以下並同上佐領驍
騎校如正紅旗凡六十人領催一百十馬甲三百八十八隨甲二十二養育兵
四百五十九親軍校三親軍四十一弓匠長一弓匠十八承差蓋匠各一凡一
千四十五人正藍旗蒙古都統以下並同上惟佐領驍騎校各三十凡七十六

人領催一百五十馬甲五百四十四隨甲三十養育兵六百三十親軍校九親軍五十一弓匠長二弓匠二十八承差盛匠馬甲亭兵蒙古通事兵各一凡一千四百四十八人鑲藍旗蒙古都統以下並同上惟佐領驍騎校各二十五凡六十六人領催百二十五馬甲四百四十二隨甲二十五養育兵五百二十七親軍校五親軍四十四包衣護軍校二弓匠長一弓匠二十二鞍匠盛匠恩缺馬甲聽差馬甲亭兵各一凡千一百九十八人鑲黃旗漢軍都統一副都統二印務參領二參領副參領各五印務章京六佐領驍騎校各四十一印務筆帖式六凡一百有九人領催二百五馬甲千六百八十一隨甲四十一敖爾布三百二十八養育兵九百三十七藍甲三十九弓匠長六弓匠三十一炮手四十餘如更夫承差兵拜唐阿銅匠盛匠鞍匠亭兵等一至五人凡三千三百三十二人正黃旗漢軍自都統以下至印務章京及筆帖式並同鑲黃旗惟佐領驍騎校各四十凡一百有七人領催二百馬甲隨甲千六百八十敖爾布三百二十養育兵九百十四藍甲三十一弓匠長三弓匠三十六炮手四十餘如更夫

承差兵拜唐阿備箭拜唐阿銅匠蓋匠鞍匠聽差兵亭兵一至十二人隨印外
郎一人凡三千二百六十人正白旗漢軍都統以下並同上佐領驍騎校亦同
鑲黃旗凡一百有七人領催二百馬甲千六百四十隨甲四十敖爾布三百二
十養育兵九百十四藍甲五十二弓匠長二弓匠三十八炮手四十餘如更夫
承差兵拜唐阿銅匠蓋匠鞍匠等一至六人隨印外郎三人凡三千二百六十
八人正紅旗漢軍都統以下並同上惟佐領驍騎校各二十八凡八十三人領
催百三十八馬甲千一百五十三隨甲一敖爾布二百二十藍甲五養育兵六
百四十一弓匠長八弓匠十四炮手三十九餘如更夫拜唐阿蓋匠鞍匠亭兵
承差兵等一至五人凡二千二百三十二人鑲白旗漢軍都統以下並同上惟
佐領驍騎校各三十凡八十七人領催百五十馬甲千二百三十隨甲三十敖
爾布二百四十養育兵六百九十九弓匠長四弓匠十五炮手四十餘如更夫
備箭拜唐阿承差兵蓋匠等一至五人隨印外郎一人凡二千四百二十四人
鑲紅旗漢軍都統以下並同上惟佐領驍騎校各二十九凡八十五人領催百

四十五馬甲千一百八十七隨甲二十九敖爾布二百三十三養育兵六百七十四弓匠長二弓匠二十炮手四十餘如拜唐阿更夫承差兵益匠亭兵一至四人隨印外郎二人凡二千三百四十二人正藍旗漢軍都統以下並同上佐領驍騎校俱同鑲紅旗凡八十五人領催百四十五馬甲千一百九十四隨甲二十二敖爾布二百三十二養育兵六百七十六弓匠長四弓匠二十二炮甲炮手各二十餘如益匠馬甲益匠公主門甲更夫拜唐阿承差兵亭兵等一至七人凡二千三百六十二人鑲藍旗漢軍都統以下並同上佐領驍騎校亦同鑲紅旗凡八十五人領催百四十五馬甲千二百十八敖爾布二百三十二養育兵六百七十五藍甲十八弓匠長五弓匠二十四炮手四十餘如更夫拜唐阿益匠匠役亭兵等一至五人隨印外郎二人凡二千三百七十六人圓明園隨同辦事營總二營總六護軍參領八副護軍參領十六委護軍參領三十二護軍校副護軍校各百二十八包衣營總一包衣護軍參領副護軍參領各三包衣護軍校九凡三百三十六人護軍三千六百七十二馬甲三百槍甲四百

養育兵千八百二十六包衣護軍一百二十包衣馬甲三十包衣養育兵六十
凡六千四百八人健銳營翼長四正參領八副參領十六委參領三十二番子
防禦一前鋒校副前鋒校各七十凡百有二人前鋒千九百六十委前鋒一千
領催四馬甲八十一養育兵八百三十三凡三千八百七十八人內火器營管
營長官二正翼長委翼長各一營總四正參領四副參領八委參領十六護軍
校一百十二凡一百四十八人烏槍護軍二千五百十二炮甲五百二十八養
育兵八百八十八凡三千九百二十人外火器營全營翼長一委翼長一營總三
正參領四副參領八委參領十六護軍校一百十二凡一百四十五人烏槍護
軍二千五百三十槍甲三百五十二養育兵八百十八凡三千七百人左右翼
前鋒營左右翼前鋒統領二前鋒參領前鋒侍衛各十六委前鋒侍衛八空銜
花翎十六前鋒校九十六空銜前鋒校八藍翎長四十八委藍翎長十六印務
筆帖式四凡二百三十人前鋒兵千六百六十八人八旗護軍營護軍統領八
護軍參領副護軍參領各一百十二委護軍參領五十六空銜花翎一百十二

護軍校八百八十二空衛護軍校五十六藍翎長一百十二門筆帖式三十六
印務筆帖式十六凡一千五百有二人護軍萬四千八十一人八旗包衣屬鑲
黃旗者參領副參領各五佐領十一管領十章京一護軍參領副護軍參領各
五護軍校三十五驍騎校十一凡八十八人領催七十九護軍四百披甲千六
百八十九隨甲十一養育兵八十八拜唐阿四百二十一凡二千六百八十八
人屬正黃旗者參領副參領各五佐領十三管領十護軍參領副護軍參領委
護軍參領各五護軍校三十三前鋒校二驍騎校十三凡九十六人領催九十
五護軍四百七十八披甲千八百九隨甲十三養育兵八十九拜唐阿等三百
四十七凡二千八百三十一人屬正白旗者參領副參領各五佐領十二管領
十護軍參領副護軍參領委護軍參領各五護軍校三十三前鋒校二驍騎校
十二凡九十四人領催八十八護軍三百六十前鋒四十披甲等千七百三十
八隨甲十二養育兵八十五拜唐阿等六百三十五凡二千九百五十八人屬
正紅旗者參領五佐領十一管領十九包衣達等十六護軍校六十驍騎校十

二凡一百二十三人領催三十四護軍八十五馬甲八百四十六藍甲三百三十二蒙古護軍七十七千三百六十七人屬鑲白旗者參領五佐領十四管領十一包衣達等三十二親軍校一護軍校八十驍騎校十三凡一百五十六人領催七十四護軍百四十二藍甲五百六十六白甲千一百三十一拜唐阿三凡一千九百十六人屬鑲紅旗者參領五佐領十七管領六包衣達等六十三護軍校五十八驍騎校十二凡一百六十一人領催四十七護軍一百八紅甲千一百十八藍甲五百四十五凡千八百十八人屬正藍旗者參領五佐領六管領七包衣達等五十九護軍校一百三驍騎校十六凡一百九十六人領催七十八護軍二十二十六馬甲千六百二十四藍甲七百六十一拜唐阿十五凡二千七百四人屬鑲藍旗者參領五佐領二十一管領三十八司庫等九十二護軍校一百三十七驍騎校十六收三百有九人領催七十八護軍百八十九馬甲千三百八十六藍甲千二百八百二凡二千九百三十五人醇賢親王圖寢翼領一防禦一驍騎校一凡三人領催二披甲四十六凡四十八人以上

凡職官六千六百八十人兵丁十二萬三百有九人

清史稿

志

兵志二

綠營

綠營規制始自前明清順治初天下已定始建各省營制綠營之制有馬兵守
兵戰兵戰守皆步兵額外委皆馬兵綜天下制兵都六十六萬人安徽最少
閩廣以有水師故最多甘肅次之綠營隸禁旅者惟京師五城巡捕營步兵將
軍兼統綠營者惟四川有屯兵者惟湖南貴州其新疆之綠營屯防始乾隆二
十五年由陝甘陸續移往駐防各省標兵規制督撫得隨時疏定綠營戰功自
康熙征三藩時用旗綠兵至四十萬雲貴多山地綠營步兵居前旗兵繼之所
向輒捷其後平定準部回疆金川咸有助績乾隆四十六年增兵而川楚教匪
之役英法通商之役兵力反遜於前迨粵寇起廣西綠營額二萬三千土兵一
萬四千遇敵輒靡承平日久暮氣乘之自同治迄光緒疊經裁汰綠營之制僅
存而已京師巡捕五營設步軍統領一人統左右翼總兵以官及十六門門千

總海淀暢春園樹村汎滯宜園樂善園設副將或守備各官不等置兵共三千人京城內九門外七門每門設千總二門甲十或二十門軍四十人左翼總兵統步軍營巡捕南左二營各汎官凡兵三千六百有奇右翼總兵統步軍營巡捕北右二營各汎官凡兵二千五百有奇各直省營制順治元年定直隸官兵經制設直隸巡撫標兵分左右二營游擊以下八人設宣府正定薊州通州天津山海關六鎮總兵官及鎮標守備游擊等設紫荆關等七協副將及協標官兵設拱極城等十七處參將山永等營游擊鞏華城等處守備都司分領各營兵定山東官兵經制設河道總督標兵分左右三營設副將或游擊以下將八兵凡三千備河防護運山東巡撫標兵分左右二營設游擊以下將領八兵凡二千設臨沂州二鎮總兵官及將領八兵共二千四百有奇設德州青州武定三營參將或守備將領八或六兵共二千二百有奇登州水師營守備登州萊州臨清濟南各營游擊或守備四兵共一千二百有奇初山東與直隸河南共一總督康熙元年設山東提督尋並裁去以巡撫兼任山西江南陝西官

兵經制並於順治二年定之山西設宣大總督及巡撫督標分中左右三營撫標分左右營各設將領八兵凡二千設太原平陽二協副將及協標官兵設汾州等營參將游擊守備分領營兵十三年裁宣大總督康熙元年設山西提督迭裁迭復雍正九年仍裁之以巡撫兼任江南設漕運總督江南鳳廬二巡撫標兵及左右營如制將領九或八人兵共四千有奇並設奇兵營游兵營設江南漢兵提督分中左右前後五營分設將領八兵凡四千設蘇州鎮江浦口安慶池太東山廣德八鎮總兵官鎮標兵及將領設狼山等七協副將金山常州各營參將游擊守備分領營兵國初設江南江西河南總督其後分合不常康熙間定爲兩江總督又裁鳳廬巡撫歸併江蘇設蘇松提督尋定爲江甯提督增安徽提督分轄營務又裁安徽提督改江南水陸提督統全省官兵先是設操江巡撫轄安慶等五府滁和等三州兵後改安徽巡撫以鳳廬兵並屬之陝西初設川陝總督并轄四川兵標兵分五管別設西安延綏甘肅寧夏四巡撫標兵各分左右營將領略如諸省設延綏綏固原臨鞏鳳翔漢羌甘肅六鎮總兵

官領標兵亦分五營將領如之延綏又分設東西二協設西安慶陽等八處副將宜君階州等各營參將游擊都司及守備分領營兵康熙時迭改川陝總督並轄山陝甘尋改川陝甘總督乾隆間甘肅分設總督以四川總督兼轄陝西兵爲川陝總督復改陝甘總督國初設甘肅巡撫其寧夏延綏巡撫先後裁撤寧夏歸甘肅延綏歸陝西後又裁甘肅巡撫陝甘總督兼統撫標兵甘州置甘肅總兵官尋改設甘肅提督初設陝西漢兵提督及寧夏提督分五營皆將設領八兵凡四千人後改西安提督又移駐固原改固原提督云順治三年定河南江西湖廣官兵經制河南設巡撫標兵分左右營將領八兵二千制同上設河南提督標兵中左右三營設將領分統設河北南陽開歸三鎮總兵官標兵各分左右營將領兵數如撫標制設開封副將守備以下將領七兵一千人河南衛輝汝寧歸德各營各參將等兵各一千設磁州營都司兵五百人後屬直隸嵩縣等二營守備兵三百或二百先是河南與直隸山東共一總督兼轄河南官兵其後或專設河南總督或裁改之至雍正十三年仍爲河南巡撫江

西初設巡撫及南贛巡撫標兵分左右營設將領五人兵凡千五百人設江西提督標兵分五營營設將領八兵凡五千人設南贛九江二鎮總兵官標兵分五營各設游擊以下將領官兵如提標之數設袁州等四協副將分左右營將領各八兵凡二千人設廣德各營參將撫州各水師營守備兵六百人南康等營守備兵三百人康熙初年裁南贛巡撫以標兵屬江西巡撫七年裁提督十三年復設嗣增設撫建提督旋裁之並裁江西提督以巡撫兼任湖廣設總督標兵分中左右營將領各八兵凡三千人設湖北巡撫鄖陽巡撫偏沅巡撫撫標兵分左右營將領官兵如江西撫標例設湖廣提督標兵分五營將領官兵如江西提標例設荊州鄖陽長沙三鎮總兵官辰州協副將標兵各分中左右營各設將領八兵凡三千人設黃州承天常德三協副將協標兵各設將領七兵凡千二百人承天協後改安陸營設漢陽等營參將將領各四兵六百人彝陵等營游擊各設將領三兵四百人設三江口等營守備把總兵各二百人康熙初并湖廣總督爲川湖總督其後四川總督不轄湖廣復設湖廣總督裁鄖

陽巡撫以湖北巡撫統轄標兵順治四年定四川官兵經制設四川巡撫標兵分左右營各設將領八兵凡千三百人設建昌保寧永寧夔州四鎮總兵官鎮標分三營設將領八兵凡二千人設松潘成都重慶三協副將協標兵分二營設游擊以下將領官兵設威茂等各營參將游擊守備分領營兵四川初僅設巡撫駐成都府川陝總督駐陝西兼轄四川十四年嗣設四川總督駐重慶府其間或并爲川湖總督駐荊州九年移駐重慶十九年或云川陝甘或云川陝遷改靡常至乾隆間定爲四川總督順治五年定浙江官兵經制設總督標兵分三營設副將或游擊將領各八兵共三千設浙江巡撫標兵二營將領各八兵共二千浙江提督標兵三營營設將領八兵共三千設定海衢州二鎮總兵官標兵皆三營營設將領八共兵各三千錢塘水師二營台州水師三營營設將領八共兵各三千衢州設水師左右路總兵官標兵三營游擊以下將領分統營兵設衢州嘉興等七協副將標兵皆三營營皆設將領八每協共兵二千五六百金華嚴州處州三協副將標兵二營將領各八共兵皆千六百設

吉安等各營守備參將分統營兵先是設浙江總督其後改稱閩浙兼轄福建
裁改不常雍正間定爲閩浙總督順治七年定福建官兵經制設福建巡撫標
兵二營將領八兵凡二千設福建水陸提督標兵三營營設將領八兵凡三千
設汀州泉州銅山三鎮總兵官及援剿總兵官中路總兵官標兵各二營各設
將領八兵二千設福州漳州建甯三協副將標兵三營各設將領八兵凡三千
設福州水師及汀州興化邵武延平閩安同安七協副將標兵各設將領八兵
凡二千福甯協副將二營將領七兵凡千八百人泉州等營參將長樂等營游
擊將領各八共兵各一千順治八年定兩廣官兵經制廣東設巡撫標兵二營
將領八兵凡二千設廣東提督標兵五營將領八兵凡五千設廣東水師總兵
官標兵六千分左右二協中左右三營二協設副將復分二營設將領八兵一
千五百三營水師各設將領八兵各一千設肇慶潮州瓊州三鎮總兵官標兵
二營將領八兵凡二千韶州惠州高州南雄四協副將協標兵皆二營將領各
八共兵各二千惟南雄爲一千六百設肇慶高州水師及吳川等營參將柘林

鎮各營游擊將領各七共兵各一千設東莞始興等州縣守備以下兵二百至五百有差廣西設巡撫標兵二營將領八兵凡千五百廣西提督標兵分五營將領八兵凡四千有奇設左右翼總兵官並桂林潯甯城守營九年增設潯梧柳慶思南三協副將以下將領兵各千二百鬱林新太河池三營參將以下將領兵各六百永寧昭平二營參將以下將領兵各四百上思三里二營守備以下將領兵各二百賀縣營守備兵百人十年定兩廣總督標兵分五營中營設將領八左右前後營共將領八兵凡五千國初置兩廣總督康熙二年專轄廣東四年兼轄兩廣雍正元年復專轄廣東十三年仍兼轄兩廣順治十六年定雲貴官兵經制設雲貴總督標兵分中左右前四營中營設將領八餘三營將領八兵凡四千設雲南巡撫標兵二營將領八兵一千五百先一年貴州設巡撫營制亦同及是設貴州提督標兵分左右前後四營左營設將領八餘三營將領八兵凡三千設大定黔西鎮遠威寧四鎮總兵官標兵三營將領八兵各二千有奇設貴陽城守協及平遠定廣銅仁平越安南五協副將標兵二營

游擊以下將領設思南營等處參將游擊守備分統官兵國初雲貴總督兩省互駐康熙元年分置兩省總督自後或改或併迨乾隆中仍定爲雲貴總督此直省綠營初制也雍正四年靖逆將軍富寧安於哈密置大小卡路八西安總兵潘之善於沙州西南諸隘設哨探置臺站防夷五年以浙江綠營積弱選山陝甘兵壯健者移駐之十年以苗疆遠閩貴州改設總兵游擊統轄丹江台拱等營及銅仁鎮遠石阡各協並新設上江下江諸營協隸古州以鎮攝之十一年諭各總兵官巡察營伍乾隆五年用湖廣總督那蘇圖言裁虛設戰船除私立提塘及字識占冒口糧之弊十六年定哈密駐防兵制於安甘涼肅四提鎮營分遣將弁廿餘兵二千往駐二年一受代四月八月迭更半數新舊相間以資教練回營時鎮臣核其勤惰分別擢用之十八年陝甘總督尹繼善疏陳西陲防務宜慎選安西將材多備槍彈預蓄資糧築城垣擇畜牧允行二十四年改安西提督爲巴里坤提督設哈密副將以下將領八兵八百餘裁改有差尋改設烏魯木齊總兵官分中左右營及城守營隸巴里坤提督凡巴里坤烏魯

木齊將領官兵歸陝甘總督統屬乾隆四十一年大小金川平新入版圖屯兵
 駐守制同內地設懋功綏靖崇化撫邊慶寧等營置游擊守備等官兵共二千
 六百有奇四十九年以陝甘總督福康安言甘肅原設額兵五萬六千六百人
 陝西額兵三萬四千五百九十人迭經移駐裁併存兵五萬五千九百餘減原
 額過半嗣增兵萬二千七百餘合舊存兵額凡七萬人而州縣墩戍兵力猶單
 請於平涼等府州縣各增兵額墩堡四十四座於各標兵內酌選移駐從之旋
 議再增兵三千又議陝甘各營兵習弓矢烏槍馬上槍箭每日在本營習技五
 日小合操十日大合操演九進十連環陣法練勁旅三萬人五十三年諭提鎮
 不得私立旗牌伴當等名致侵兵額嘉慶四年以剿辦教匪各省額兵徵調四
 出令各省召募補充五年陝西設甯陝鎮總兵副將以下官咸如昔制十年諭
 各督撫提鎮以練習鄉勇法練習綠旗兵道光五年諭直隸備戰兵萬五千三
 百有奇演習車炮陣式旋即議裁十六年諭直隸營兵以四成習弓矢二成習
 步槍兼馬槍其刀矛二技令藤牌軍盡習之二十二年直隸蘆台增設通永鎮

總兵官以北塘海口等十五營均歸統屬分三營設游擊守備等將領新鎮標兵凡五千四百餘專操水陸技藝咸豐八年河南歸德營升爲鎮設總兵官左右營都司游擊等馬兵五百八十步兵千一百有奇同治元年諭專設總督之直隸江南四川甘肅及督撫同城之福建廣東湖北由總督會同提督節制其江蘇浙江安徽江西陝西湖南廣西貴州各鎮兵就近由巡撫節制四年增安徽皖南鎮總兵官設將領弁兵如制六年諭寧夏鎮綠營兵原額七千陝西定邊協原額千人回匪亂後存者寥寥咸令補足九年改廣東赤溪營爲水師隸陽江鎮統轄變通巡洋舊章又移湖北武昌城守營分防金口歸洲二汛十二年於山西南北二鎮選兵一千分二營設將領訓練光緒十一年以廣西南邊二千餘里原設隘一百九分卡六十六兵力猶單分要處爲三路鎮南關口關前隘憑祥土州爲中路白關以東諸隘爲東路以西諸隘爲西路就原有防軍二十二營并爲二十四營以十二營專防中路餘十二營分防東西路廣西提督自柳州移駐龍州其城守營設游擊及守備等增設柳慶鎮總兵官駐柳州

綠營歷年增損規制大略如其移駐編改節目不能覈縷以詳也若其裁汰之數自順治中所裁山西標兵四千餘陝甘將領四十八兵一萬六百餘河南五百湖廣五千江西三千將領八江南萬九千餘將領百十七其最多者也餘者海州一協裁將領七兵六百餘臨清一鎮裁將領五兵一千三營兵五百沂州鎮裁將領九臨清城守營將領五兵三百壽張營兵二百又裁江西及南嶺撫標二營官兵四川撫標湖北及鄖陽撫標各二營官兵多少不等康熙八年裁辰常鎮總兵設辰州協標官兵二十三年裁崇明提督設崇明水師總兵定三營及奇兵營制三十四年後計所裁標兵南嶺鎮千餘九江協九百餘銅鼓營兵八百餘爲最多餘者自四五百以下少至六七十人乾隆中裁撫標新設二營餘所裁最多三百餘最少十人九人嘉慶十九年諭各標額兵六十二萬四千餘較雍乾以來所增實多令督撫提鎮量加裁汰於是次第減萬四千有奇二十五年又諭各省勿糜餉以養額兵道光中裁陝甘綠營馬兵三千六百餘又裁山東山西撫標及兗州等三鎮太原大同二鎮東河河標雲貴督撫鎮協

各標兵額暨福建水陸各營浙江馬步兵兩廣江蘇安徽馬步兵各有差咸豐元年曾國藩疏言八旗勁旅以強牛翊衛京師以少牛駐防天下而山海要隘往往布滿其額數常不過三十五萬綠營兵名爲六十餘萬其實缺額常六七萬人乾隆中葉增兵議起向之空名坐糧悉令補足一舉而增兵逾六萬經費驟加大學士阿桂爭之不得至嘉慶道光間覩帑藏之漸絀思阿桂之遠慮特詔裁兵而兩次所裁僅一萬六千請飭各省留強汰弱復乾隆初制諭如所請命各督撫分三年裁復舊額所裁之數年終彙陳不得再有空糧之弊四年裁山西馬步兵五千八百餘雲南步兵三千九百餘同治八年裁九江洞庭岳州荊州等水師營改城守營並酌設陸汛光緒五年左宗棠楊昌濬疏言軍興未收制兵之效由餉薄而額多不能應時精練兵不練與無兵同練不精與不練同甘肅賦少兵多軍實向資他省餉源稍絀動滋事端亟宜量減可裁之兵以節餉楮卽以所裁軍餉加所留之兵庶可責其勤練雍正中甘兵定額較內地爲多後雖陸續裁減計尙存馬步兵五萬七千餘卽須分成核減六

年丁寶楨言四川自軍興後招募營勇裁者少而增者多同治間楚黔川勇多至六萬餘次第裁撤至今存營勇二千九百餘尙可裁其什一是歲湖南各營弁兵及水陸防勇次第裁者四千三百餘湖北裁者三千二百餘安徽陸續裁者約九千餘八年張曜疏言裁汰勇丁卽可規復兵額變通管制方能永固邊防九年張之洞奏整頓山西綠營練軍裁湘軍正勇千人設籌資遣尋復裁汰綜合前後裁兵約及六千人時貴州制兵裁汰二成守兵裁者三千二百餘戰兵二千九百餘江西額兵萬一千九百餘近始以制兵作練軍然長年調練冒替弊生遂有兵止一人人已三變之誚因定撫標選鋒仍舊操練裁外屬各營抽練之軍悉回原汛十一年諭直省裁汰綠營下寶第言廣西額兵二萬三千士兵一萬四千粵逆初起不過二千人合此巨數之兵不能擊少數之賊廣西如此他可類推自後髮捻回苗恣亂綠營戰績無聞今宜以漸變通管制裁額併糧以兩餉挑一兵如額兵一萬分二十營一半駐守一半巡防無事則計日操防有警則隨時援應綠營積習無許復存二十二年諭近者戶部奏請裁兵

宜汰綠營七成勇營三成通諭以來惟山東陳明分限五年裁減五成此外酌裁無幾綜各省兵勇尙八十萬有餘歲餉約共三千餘萬綠營積惰久成虛設當茲借款期迫棄有用之餉養無用之兵因之國窮民蹙各將軍督撫亟應定限切實裁減以聞二十四年從胡燏棻等言裁併綠營練勇選練新操時山東兵額已陸續裁十之三至是以不敷分配未裁之二成仍止不裁於是山西以汰存兵額不敷防卡之用請增練新軍數營恭壽亦言綠營弊深屢裁而益弱須藉民力以輔之宜急行團練二十七年劉坤一張之洞奏汰綠營言綠營官皆選補兵皆土著兵非弁之所自招弁非將之所親信既無恩義自難鈐束以傳舍之官馭世業之兵亦如州縣之於吏役欲其整飭變化服教從風此必無之事况綠營將弁薰染官習官弁且不易教况於兵乎層層積弊已入膏肓既甚驕頑又極疲弱本難練成可用之兵自非裁汰不可惟有分年漸裁一策不分馬步戰守每年裁二十分之一計百人裁五限二十年而竣計成扣餉按次銷除卽以節省之餉作緝捕管察之用惟湖南鎮守鎮係改土歸流無土著農

戶除苗產外地皆屯田民皆兵籍級靖鎮亦然請於此兩鎮兵額不再裁汰但將綠營改爲勇營所裁將領可用者改隸勇營不能帶勇者開缺或改官使武職無把持之弊台天下兵出於勇營之一途更定營名以符名實二十九年從徐世昌等言以綠營挑改巡警宣統元年步軍統領衙門疏言巡捕五營原設馬戰制兵萬人嗣因屢次裁併中營見兵千五百人內分馬兵五百四十戰兵八百六十簡差戰兵百人南營兵千二百五十人內分馬兵三百二十戰兵三百三十簡差戰兵百人左營兵八百人內分馬兵三百二十戰兵三百八十簡差戰兵百人右營兵七百人內分馬戰兵各三百簡差戰兵百人惟南營汛地設巡警後差務較簡請撥南營兵三百七十五人隸北左右三營每營馬兵各三百六十五人戰兵四百十人是年免裁之鎮寧綏靖二鎮定議改爲續備軍此外乾州永綏當德諸協河溪保靖等營留兵各三四百人去綠營之名改勇營規制作爲續備軍岳州澧州等營各裁將弁存兵六十四人或至九十三人其餘撫提鎮協諸營統將各裁統將一以同城將領兼統餘兵湖北通省將領

副將五人裁去一人參將七人裁二人遊擊十七人裁五人都司十一人裁三人守備三十三人裁十人其撫標各營尙未盡裁俟分軍裁汰是年裁江北舊役衛兵左右二哨兵貴州綠營已裁二成尋裁副將以下各官歸并四營酌改六營惟邊防要地佐防軍所不及者緩裁二年浙江綠營裁汰後尙餘將領三百九十九兵七千餘一律裁盡收取馬匹軍械改編巡防隊八營四川綠營次第裁盡挑選精壯改練防軍湖廣營已裁十成之七一二年後即可裁盡湖北自咸豐八年裁馬兵改步兵同治八九年先後裁撤水陸軍二千一百有奇馬二百餘匹光緒十一年以來又裁二千九百有奇馬步戰守兵七千六百有奇馬八百八十餘匹實存馬步守兵共七千餘馬千六百六十四匹以後分年裁盡尋湖北之漢陽協興國等營湖南之衡州協保靖等營副將以下各官一律停補裁福建綠營計至宣統六年裁盡見存將領三百八十人步戰守斃炊兵夫五千九百有奇直隸綠營於同治年間改爲練軍光緒以來通永等鎮分年裁減至二十九年實存馬步戰守兵二萬六千餘人其天津城守及葛沽通永通

州北塘等凡十一營當庚子之變潰散無餘遂悉裁撤此外各營均十裁其三復裁將弁三百十四人其大沽六營庚子年傷亡過甚亦全裁之改設巡警三年直隸綠營尙存官弁七百餘兵六千六百餘實行裁汰惟准練巡防各營暫仍其舊四川關外原設台兵向由綠營撥派共三十九台將弁兵丁一律裁撤福建綠營豫定裁盡年限所節之餉編練巡防隊江西亦擬裁盡綠營甘肅邊要陸軍尙未成鎮僅存馬步守兵萬七千餘資其防制之力暫從緩裁山西綠營所存無幾分三年盡裁之江南綠營亦然惟徐州鎮標緩撤山東以全裁綠營情事窒礙因請緩裁廣東綠營三江崖州二協儋州營督標中營均免裁其餘十減其四將領五百餘除邊要及兼防營之缺緩裁餘悉停補改練陸軍廣西綠營自光緒二十九年裁後僅存撫提標將領五或四人兵四五十人左右江兩鎮將領各二人兵各二十人此歷朝裁兵大較也綠營積重沿數百年同治中興以後疆臣列帥懲前愆後漸改練勇巡防之制光宣間屢加裁汰宣統三年武昌事起陸軍部疏言時局艱危各省綠營巡防隊一律從緩裁撤綠

營之制遂與有清相終始云

直隸總督統轄督標四營節制一提督七總兵兼轄保定城守熱河喀爾沁吉

林奉天捕盜永定河運河等營督標四營 左營 右營 前營 後營 保定城守等營 新隸營 練州營 拱衛營

良鄉營 中路 東路 兩路 西路 北路 張家口 獨石口 熱河喀爾沁等營 烏蘭哈達 塔子溝 承德府 平泉州 三處塔 多倫諾爾 吉林捕盜營

宣州營 五常營 教化 奉天捕盜營 昌圖府 新民縣 海城縣 承德縣 開原縣 懷德縣 錦州 遼陽州 錦州 雙城縣 伊通州 縣 東遼州 遼州 廣寧縣 蓋平縣 復州 金州 懷德縣 寧化縣 唐平縣 海龍縣 鳳山縣 安東縣 寬甸縣 桓仁縣 通化縣 興京 岫巖州 永定河運河等營 北運河 南運河 通惠河 漕運廳 南運河

直隸古北口提督統轄提標四營節制七鎮兼轄河屯一協三屯等營 提標中營 左營

右營 前營 密雲城守營 順義營 承德府河屯協 左營 右營 所三營 三屯營 喜峯路 燕河路 建昌路 八溝營 建昌營 赤峯營 朝陽營 昌平營 居庸路 豐寧營 懷柔路 滿泉營 古北口

馬蘭鎮總兵統轄鎮標二營兼轄遵化等營 鎮標左營 右營 遵化營 蔚州營 曹家路 驢子路 黃花山 餘丁營

秦軍鎮總兵統轄鎮標二營兼轄紫荆關等營 鎮標左營 右營 水東郭營 紫荆關 白石口營 廣昌營 播磨鎮 蔚山營 易州

營 房山營 涑水營 馬水口 沿河口

宣化鎮總兵統轄鎮標三營兼轄獨石口多倫諾爾二協蔚州等營 鎮標中營 左營 右營 獨

石口協左營 右營 關安營 龍門所營 蔚州營 馬安營 鎮標中營 松樹營 滴水營 赤城營 君子營 靖安營 多倫諾爾協中營 左營 右營 蔚州營 東城營 宣化城守營 懷來營 懷來城守營 宣化營

清 史 稿 兵志一

龍門路營 陝安營 左衛營 榮清營 西陽河堡營 張
家口營 萬全營 勝房堡營 新河口堡營 洗馬林堡營

天津鎮總兵統轄鎮標二營兼轄河間大沽二協務關等營

鎮標左營 四黨口營
右營 河間協左營 右

鄭家口營 聚州營 大沽協前左及中左後左前右中右後右六營 葛沽
新口營 務關營 霸州營 武清營 靜海營 薊州營 天津城守營

正定鎮總兵統轄鎮標二營兼轄固關等營

鎮標左營 右營 固關營 龍泉關營
倒馬關營 忠順關營 龍岡城守營

大名鎮總兵統轄鎮標三營兼轄開州協大名城守等營

鎮標中營 左營 右營 開
州協 杜勝營 東明營 長

垣營 大名城守營 廣
平營 順德營 磁州營

通永鎮總兵統轄鎮標二營兼轄通州山永二協北塘等四營

鎮標左營 右營 通
州協左營 右營 張

家灣營 采育營 三河營 山水協左營 右營 山海路營 石
門路營 薊河營 樂亭營 北塘營 豐順營 玉田營 寶坻營

山東巡撫兼提督駐濟南府節制三鎮統轄撫標二營兼轄登萊水師一協

撫標 左營 右營 登
萊水師總軍營

兗州鎮總兵統轄鎮標二營兼轄沂州一協泰安等六營

鎮標左營 右營 沂州協
泰安營 臺莊營 濟南城守

東營 武定營 安
東營 沙溝營

登州鎮總兵統轄鎮標二營兼轄文登等七營

鎮標左營 右營 文登營 膠州協 萊州
營 即墨營 青州營 青福營 壽樂營

曹州鎮總兵統轄鎮標二營兼轄臨清協德州等營

鎮標中營 右營 臨清協 德州營 東昌營 軍器營 寶銀營 濮州營

營 高唐營 梁山營 鉅野營 桃源營

河東河道總督統轄河標三營兼轄濟甯城守及運河懷河豫河等營

河標

中營 左營 右營 濟甯城守營 運河營 懷河營 黃河 北岸下 北河 黃沁河 陽封 豫河營 上兩河 中河 下兩河

山西巡撫兼提督節制二鎮統轄撫標二營兼轄精兵兩哨口外七廳捕盜營

撫標

左營 右營 精兵兩哨 歸化廳標 薩拉齊廳 豐鎮廳標 寧遠廳標 和林格爾廳標 托克托城廳標 清水河廳標

太原鎮總兵統轄鎮標二營兼轄蒲州潞安二協太原等營

鎮標左營 右營 蒲州 協 原城營 吉州營

潞安協 澤州營 東陽營 襄城營 太原營 平陽營 陽州營 汾州營 平垣營 孟縣營 東遷營 平定營

大同鎮總兵統轄鎮標二營殺虎口一協新平路等營

鎮標中營 左營 右營 殺虎 口 協 左營 右營 實武營 偏關

鎮西城 河保營 保德營 水泉營 平魯營 靖遠營 歸化城 新平路 天城營 陽和 營 海原營 得勝路 豐川營 助馬路 懷仁城 北樓營 東路 忻州營 靈邱路 山陰路

河南巡撫兼提督節制三鎮統轄撫標二營兼轄開封營

撫標

左營 右營 開封城守營

河北鎮總兵統轄鎮標二營兼轄河南城守等營

鎮標左營 右營 河南城守營 左營 右營 衛輝營 彰德營 陝州營 內黃

營 巡陽營 王祿

店營 清縣營

南陽鎮總兵統轄鎮標二營兼轄荆子關信陽二協汝甯等營

鎮標左營 右營 荆子關協 盧氏營 信

陽協左營右營 汝甯營 鄧新營 襄城 城守營 新野營 光州營 固始縣營

歸德鎮總兵統轄鎮標二營兼轄永城等營

鎮標左營 右營 永城 考城營 陳州營

兩江總督統轄督標二營節制三巡撫一提督九總兵兼轄江甯城守一協揚

洲鹽捕二營

督標 中營 右營 江甯城守協左右兩營 奇兵營 青山營 浦口營 溧陽營 瓜州營 揚州營 鹽捕營

漕運總督統轄各衛所外復統轄旗綠漕標三營兼轄淮安城守等營

漕標 中營 左營 右營 淮安城守營 海州營 鹽城水師營 東海水師營

江蘇巡撫節制三鎮統轄標二營兼轄蘇州城守營

撫標 左營 右營 蘇州城守營

江南水陸提督節制五鎮統轄提標五營兼轄太湖松北二協松江城守等營

提標中營左營右營 前營後營 太湖協左營右營 松北協 松江城守營 金山營 柘林營 村營 平望營 江陰營 靖江營 孟河營 常州營 鎮江營 松南水師營 兩匯水師營

狼山鎮總兵統轄鎮標二營兼整通州等營

鎮標中營 右營 通州水師營 擴港水師營 泰州營 泰興營 三江水師營

蘇松鎮水師總兵統轄鎮標三營兼轄海門一協

鎮標中營 左營 右營 海門協

徐州鎮總兵統轄鎮標中營兼轄徐州城守等營

鎮標中營 徐州城守營 蕭縣營 宿州營

淮揚鎮總兵統轄鎮標三營兼轄清江城守等營

鎮標中營 左營右營 清江城守營 宿遷營 州灣水師營 佃湖營 洪湖

水師營 蕪湖左營 蕪湖右營

福山鎮總兵統轄鎮標二營吳淞川沙二營

鎮標左營右營 吳淞水師營 川沙水師營

安徽巡撫兼提督節制二鎮統轄撫標二營兼轄安慶一協游兵潛山二營

撫標 左營右營 安慶協左營 右營 游兵營 潛山營

壽春鎮總兵統轄鎮標二營兼轄六安等營

鎮標中營 右營 六安營 鎮州營 泗州營 亳州營 龍山營

皖南鎮總兵統轄鎮標二營兼轄徽州等營

鎮標中營右營 徽州營 池州營 蕪湖營 廣德營

江西巡撫兼提督節制二鎮統轄撫標二營兼轄南昌城守一協

撫標 左營 右營 南昌城守協

九江鎮總兵統轄鎮標二營兼轄九江城守等營

鎮標前營後營 九江城守營 廣信營 鉛山營 饒州營 浮梁營 建昌營

武昌營 武寧營 瑞州營
撫州營 銅鼓營 南康營

南贛鎮總兵統轄鎮標三營兼轄袁州一協贛州城守等營

鎮標中左營後營
州協 臨江營 贛州城

守營 寧都營 南安營 吉安營 龍泉營 萬安營 水豐
營 蓮花營 興國營 文英營 永鎮營 橫岡營 羊角營

長江水師提督節制四鎮統轄提標五營兼受兩江總督湖廣總督節制

提標中
營 金

陸營 裕溪營
大通營 蕪湖營

長江水師岳州鎮總兵統轄鎮標四營

鎮標中營 荊州營
沅江營 陸溪營

長江水師漢陽鎮總兵統轄鎮標四營

鎮標中營 田羅營
新州營 巴河營

長江水師湖口鎮總兵統轄鎮標五營

鎮標中營 安慶營 吳
城營 饒州營 蕪湖營

長江水師瓜洲鎮總兵統轄鎮標四營

鎮標中營 江陰營
三江營 孟河營

閩浙總督節制二巡撫三提督十二鎮統轄督標三營兼轄撫標二營南潞水

師營

督標三營

中營左營右營 撫標左
營右營 南潞水師營

福州將軍除統轄八旗駐防官兵外兼轄福州城守營節制福寧鎮標福州城

守及同安等營

福建陸路提督節制四鎮統轄提標五營兼轄福州城守興化城守二協泉州

城守等營

提標中營左營右營前營後營 福州城守協左營右營 興化城守協左營右營 泉州城守營 長福營

福甯鎮總兵統轄鎮標三營其左營係水師提督節制兼轄海壇閩安二協烽

火門四營

鎮標中營 左營 右營 海壇協左營右營 閩安水師協 左右兩營 烽火門 水師營 桐山營 連江營 福源營

汀州鎮總兵統轄鎮標三營兼轄邵武城守營

鎮標中營 左營 右營 邵武城守營左營右營

建甯鎮總兵統轄鎮標三營兼轄延平城守協楓嶺營

鎮標中營 左營 右營 延平城守協左營右營 楓嶺營

漳州鎮總兵統轄鎮標三營兼轄順良協同安等營

鎮標中營 順昌協 同安營 詔安 平和營 武新營 龍巖營 漳州城

營守

福建水師提督節制三鎮及福甯鎮左營廣東南澳鎮左營統轄提標五營兼

轄金門協銅山湄州等營

鎮標中營 左右前後四營 金門 協 銅山水師營 湄州水師營

閩粵南澳鎮外海水師總兵

左營

福建臺灣巡撫節制二鎮

臺灣鎮總兵統轄鎮標中營兼轄臺灣北路臺灣水師二協臺灣城守及臺灣

南路等營

鎮標中營 臺灣北路協中營右營 臺灣水師協中營左營右營 臺灣城守營左營右營 臺灣南路營 臺灣嘉義營 臺灣鳳山營 臺灣水師營 鹿港水師營 噶嘯蘭營 臺灣恒春營 臺灣道標

澎湖南路
下淡水營

澎湖鎮外海水師總兵統轄鎮標二營

鎮標左營
右營

浙江巡撫統轄撫標二營兼轄海防營

撫標

左營右營
隨營海防營

浙江水陸提督節制五鎮統轄提標五營兼轄杭州等協太湖等營

提標中營
右營
前

營後營 杭州城守協 錢塘水師營 嘉興協左右兩營 湖州協左右兩營 安吉營 紹興協
左營右營 乍浦水師協 左營右營 太湖水師營 嘉善城守營 澆浦水師營 海鹽水師營

定海鎮總兵統轄鎮標二營兼轄象山協鎮海定海城守營

鎮標中營
象山協左營
右營
石

浦水師營 鎮海水
師營 定海城守營

海門鎮總兵統轄鎮標二營兼轄台州協海門城守等營

鎮標中營
左營右營
台州
協中營
左營
右營
海門

城守水師營
海營 太平營

溫州鎮總兵統轄鎮標二營兼轄樂清瑞安平陽三協玉環温州城守等營

城

中營 左營 右營 樂清協 大刺營 鑿石營 瑞安協 左營
右營 平陽協 左營 右營 玉環營 左營 右營 溫州城守營

處州鎮總兵統轄鎮標二營兼轄金華協麗水營 鎮標中營 左營 右營 金華協 左營 右營 麗水營

衢州鎮總兵統轄鎮標二營兼轄嚴州協楓嶺衢州城守等營 鎮標中營 左營 右營 嚴州協 左營 右營 衢州城守營

衢州城守營

湖廣總督節制二巡撫二提督五鎮統轄督標二營

督標 中營 左營 右營

湖北巡撫統轄撫標二營

撫標 左營 右營

湖北提督節制二鎮統轄提標五營兼轄黃州漢陽二協荊州城守等營 提標中營 左營 右營 黃州協 漢陽協 荊州城守營

黃州協 漢陽協 荊州城守營 均光營 襄陽城守營 荆門營 安陸營

鄖陽鎮總兵統轄鎮標四營兼轄竹山協鄖陽城守營 鎮標中營 左營 右營 前營 後營 竹山協 鄖陽城守營

宜昌鎮總兵統轄鎮標四營兼轄施南協遠安等營 鎮標中營 左營 右營 前營 後營 施南協 左營 右營 遠安營 南昌營

宜都營 利州 州 隆防營

湖南巡撫節制三鎮統轄撫標二營兼轄鳳凰等屯軍營

撫標

左營 右營 鳳舞廳屯 永統廳屯
乾州廳屯 古文坪廳屯 保靖廳屯

湖南提督節制三鎮統轄提標五營兼轄長沙等協澧州等營

提標中營 左營 右營
前營 後營 長

沙協左營 右營 乾州協左營 右營 鎮溪營 河溪營 永順協 常德協
龍陽城守營 澧州營 岳州營 九溪營 永定營 辰州城守營 古文坪營

鎮筄鎮總兵統轄鎮標四營兼轄沅州靖州二協綏甯長安等營

鎮標中營 左營
右營 前營 沅

州協 異州營 靖州
協 綏甯營 長安營

永州鎮總兵統轄鎮標三營兼轄寶慶衡州二協臨武等營

鎮標中營 左營 右營
寶慶協 衡州協 臨

武營 宜章營 桂陽
營 武岡營 嶺東營

綏靖鎮總兵統轄鎮標二營兼轄永綏協保靖營

鎮標左營 右營 永綏協中營 左營
右營 保靖營左營 右營

陝甘總督節制二巡撫三提督十一鎮統轄督標五營

督標

中營 左營 右營
前營 後營

陝西巡撫統轄撫標三營

撫標

中營 左營
右營

陝西固原提督節制四鎮統轄提標五營兼轄靖遠等協靜甯等營

提標中營 右前營 四營 左營 右營 西

靖遠協 董若營 鹽茶營 下馬湖營 八營 護國協 金鎮協 三翼司 西州協中營 長武營 慶陽營

安城守協左營 右營 藍原營 靜州營 靈州營 安定營 靜德營 西鳳營 邠州營

渭州營 紅德城守營 固原城守營 靖河城汛 平涼城守營 秦州營 利昌營 宜君營 化平營

延綏鎮總兵統轄鎮標三營兼轄定邊協神木等營

鎮標中營 左營 右營 定邊協 靖州營 靖州營 安邊營 神木營

黃甫營 麻池營 高家營 鎮元營 波羅營 綏德城守營 延安營 鄜州營 延綏城守營

陝安鎮總兵統轄鎮標三營兼轄鎮安城等守營

鎮標中營 左營 右營 鎮安城守營 鎮坪營 興安城守營 鎮坪營 學

表城守營 業陽營 白河營 洵陽營

河州鎮總兵統轄鎮標二營兼轄洮岷協循化等營

鎮標左營 右營 洮岷協 階州營 循化營 保安營 起蓋營 蘭州城 文縣營 西因營 岷州營 寶洮

守營 鞏昌營 臨洮營 河州城守營 漢中鎮總兵統轄鎮標三營兼轄甯陝等營

鎮標中營 左營 右營 甯陝營 陽平關營 漢陽營 東江口營 漢中城守營 漢鳳營 鐵羅川營 佛坪營 留壩營 定遠營 西鄉營

甘肅提督統轄提標五營兼轄永固城守協節制西甯等四鎮

提標中營 左營 右營 永固城守協 節制西甯等四鎮 前營 後營 水

固城守協 甘州城守營 梨園營 洪水營 南古 城營 山丹營 鞏口營 大馬營 秦漢俄博營

西甯鎮總兵統轄鎮標五營兼轄海協西甯城守等營

鎮標中營 左營 右營 前營 後營 鎮海協 哈拉庫

圖爾其 西甯城守營 巴蘇戎格營 巴陵三川營 真德營 兩川營 大通營 永安營 白塔營 碾伯營 威遠營

甯夏鎮總兵統轄鎮標五營兼中衛協花馬池等營

鎮標左營 右營 前營 後營 中衛協 石空營 城守營 城守營

堡 古水井營 花馬池營 安定營 靈武營 雷州營 同心營 不羅營 洪廣營 玉泉營 廣武營 興武營 橫城營

涼州鎮總兵統轄鎮標五營兼轄永昌莊浪二協

鎮標中營 左營 右營 前營 後營 西把蘇堡 永昌協 寧遠營 水泉營

新城營 張家營 鎮番營 安城營 大靖營 土門營 莊浪區 俄 博爾都 松山營 鎮羌營 岔口營 紅城堡 紅水營 三眼井營

肅州鎮總兵統轄鎮標三營兼轄金塔安西二協肅州城守等營

鎮標中營 左營 右營 金塔協

鎮標中營 清水營 高台營 捷勢營 紅崖堡 安西協 布隆吉爾 松海營 肅州城守營 嘉谷關營 沙州營 靖邊營 赤金營

甘肅新疆巡撫節制三鎮統轄撫標四營瑪納斯協濟木薩等營

撫標中營 左營 右營 城守協中營 喀喇巴爾噶通營 瑪納斯協 濟木薩營 庫爾喀喇烏蘇營 精河營 吐魯番營

新疆喀什噶爾提督節制三鎮統轄提標五營兼轄回城莎車二協英吉沙爾

等營 提標中營 左右兩營 前營 城守營 回城協中營 左右兩旗 莎車協中營 左右三旗 英吉沙爾營 和闐營 瑪喇巴什營

新疆阿克蘇鎮總兵統轄鎮標四營兼烏什協喀喇沙爾等營

鎮標中營 左右三營 城守營 烏什協 喀喇

庫車營
沙爾營

新疆巴里坤鎮總兵統轄鎮標四營兼轄哈密協古城等營

鎮標中營 左右兩營
城守營 哈密協 古城

塔爾納沁
營 木壘營

伊犁將軍節制一鎮統轄軍標二營

軍標中營
左營

伊犁鎮總兵統轄鎮標四營兼轄塔爾巴哈台協霍爾果斯等營

鎮標中營 左營
右營 綠定城

守營 塔爾巴哈台協
霍爾果斯營 齊遠城營

四川總督節制一提督四鎮統轄督標三營

督標 中營 左營
右營

成都將軍除統轄八旗駐防官兵外統轄軍標綠營二營節制建昌松潘二鎮

軍標左營
右營

四川提督節制四鎮統轄提標三營兼轄阜和懋功馬邊三協成都城守等營

提標中營 左營 右營 阜和協左營 右營 懋雅營 懋功協 崇化營 綠靖營 慶寧營 撫
邊營 馬邊協左營 右營 存誠營 萬全營 平安營 成都城守營 右營 永寧營 瀘州營 叙寧營

建武營 普安營 右營 安阜營
峨邊營 右營 鎮遠營 綿州營

川北鎮總兵統轄鎮標三營兼轄綏定等營

鎮標中營 左營 右營 綏定營 順慶營 太平營 巴州營 廣元營 潼川營 城口營

通江營

重慶鎮總兵統轄鎮標三營兼轄夔州綏寧二協忠州營

鎮標中營 左營 右營 夔州營 綏寧營 忠州營

榮昌營 豐城營 綏寧協左營 右營

西陽營 黔彭營 邑梅營 忠州營

建昌鎮總兵統轄鎮標二營兼轄會川等營

鎮標中營 左營 會川營 永定營 越嶲營 萬越營 保安營 靖遠營 瀘寧營 會理營

檳遠營

梁山營

松潘鎮總兵統轄鎮標三營兼轄雜州協漳臘等營

鎮標中營 左營 右營 雜州協 左營 右營 茂州營 漳臘營 疊溪營

平番營 龍安營

兩廣總督節制二巡撫三提督九鎮統轄督標五營兼轄本標水師綏新等營

督標 中營 左營 右營 前營 後營 督標水師營 綏新營

廣州將軍除統轄八旗駐防官兵外節制南韶連鎮標潮州鎮標高州鎮標瓊

州鎮標惠州協標肇慶協標廣州城守協三江口協黃岡協羅定協增城各二

營南雄協欽州各一營雷州左營前山水靖連陽惠來驍平潮陽廉州儋州萬

州和平四會那扶永安興甯平鎮潮州城守石城陽春三水徐聞綏新等營

廣東巡撫統轄撫標二營

撫標 左營

廣東陸路路提督節制五鎮統轄提標五營廣州城守等協增城等營

提標中營
左營

右營 前營 後營 肇州城守協左營 右營 三水營 惠州協左營 右營 和平營
肇慶城守協左營 右營 四會營 那扶營 增城營左營 右營 永靖營 永安營

南韶鎮總兵統轄鎮標三營兼轄三江口南雄二協清遠佛岡等營 鎮標中營 左營 右營 三

江口協左營 右營 連陽營 兩雄
協 清遠營 左軍右軍 佛岡營

潮州鎮總兵統轄鎮標三營兼轄黃岡協惠來等營 鎮標中營 左營 右營 黃岡協左
營 右營 惠來營 饒平營 潮陽

鎮標中營 下鎮
潮州城守營

高州鎮水師兼陸路總兵統轄鎮標二營兼轄羅定協陽江等營 鎮標左營 右營
羅定協左營

右營 陽江營 潮州營 吳川
營 定白營 東山營 陽春營

廣東水師提督節制五鎮統轄提標五營香山等四協新會前山等營 提標中營
左營

右營 前營 後營 香山協左營 右營 順德協左營 右營 大廳
協左營 右營 赤溪協左營 右營 新會營左營 右營 前山營

碭石鎮總兵統轄鎮標三營兼轄平海營

鎮標中營 左營 右營 平海營

瓊州鎮水師兼陸路總兵統轄鎮標二營兼轄崖州協海口等營

鎮標左營 右營 崖州協 海口

州營 海安營

南澳鎮總兵分管閩粵二省統轄鎮標二營兼轄澄海等營

鎮標左營 鎮標右營 澄海營 左營 右營

門營 連捷營

北海鎮水陸總兵統轄鎮標二營兼轄龍門協雷州等營

鎮標左營 右營 龍門協 雷州營 欽州營

白龍營 徐聞營 石城營 靈山營

廣西巡撫統轄撫標二營

撫標左營 右營

廣西提督節制三鎮統轄提標中軍一營兼轄平樂新太二協全州等營

提標中軍 平

樂州營 宜州營 上思營 東蘭營 桂林城守營 龍州城守營

左江鎮總兵統轄鎮標三營兼轄梧州潯州二協南甯城守等營

鎮標中營 左營 梧州協

左營 右營 懷集營 潯州協 南甯城守營 鬱林營

右江鎮總兵統轄鎮標二營兼轄鎮安協思恩等營

鎮標中營 左營 右營 鎮安協左營 右營 思恩營 陸林營 上林

柳慶鎮總兵統轄鎮標二營慶遠義寧二協融懷等營

鎮標左營 右營 慶遠協左營 右營 義寧協 左營 右營

融懷營 永寧營 柳州城守營

雲貴總督節制二巡撫二提督十鎮統轄本標三營兼轄曲尋協雲南城尋營等營

督標

中營 左營 右營 曲尋協左營 右營 雲南城守營 尋營

雲南巡撫統轄撫標二營

標撫

左營 右營

雲南提督節制六鎮統轄提標三營兼轄楚雄協武定大理城守等營

提標中營 左營

右營 楚雄協 武定營 大理城守營

臨元鎮總兵統轄鎮標四營兼轄元新澗江等營

鎮標中營 左營 右營 前營 元新營 澗江營

開化鎮總兵統轄鎮標四營兼轄廣南廣西等營

鎮標中營 左營 右營 後營 廣南營 廣西營

騰越鎮總兵統轄鎮標三營兼轄永昌等二協龍陵營

左營 右營 龍陵營

鎮標中營 左營 右營 永昌 協左營 右營 順雲協中營

鶴麗鎮總兵統轄鎮標三營兼轄維西協永北劍川等營

劍川營

鎮標中營 左營 右營 維西協左營 右營 永北營

昭通鎮總兵統轄鎮標四營兼轄東川鎮雄等營

鎮標中營 左營 右營 東川營 鎮雄營

普洱鎮總兵統轄鎮標三營兼轄威遠景蒙等營

鎮標中營 左營 右營 威遠營 景蒙營

貴州巡撫統轄撫標二營兼轄古州等十衛都江下江等營

撫標左營 右營 古州左衛 右衛 八寨衛 台拱衛 黃施衛 丹江衛 凱里衛 清江左衛 右衛 石鏡衛 都江廳營 下江廳營

貴州提督節制四鎮統轄提標三營兼轄大定等協羅斛等營

平遠協左營 右營 蓮表協左營 右營 定廣協左營 右營 羅斛營左營 右營 貴陽營 平越營 歸化營 黔西營 安順城守營 仁懷營 新添營 提標左營 右營 前大定協左營 右營

安義鎮總兵統轄鎮標三營兼轄永安協長塘等營

鎮標中營 左營 右營 永安協左營 右營 長塘營 普安營 安南營

古州鎮總兵統轄鎮標三營兼轄上江都勻二協朗洞等營

鎮標中營 左營 右營 上江協左營 右營 都勻協左營 右營

勻協左營 右營 朔州營左營 右軍
繁平營左營 右軍 蘇波營 下江營

鎮遠鎮總兵統轄鎮標二營兼轄清江等三協台拱等營 鎮標中營 左營 右營 右營 右營 松桃協左

右營 銅仁協左營 右軍 台拱營左營 右軍 丹江營
左營 右軍 恩陽營 凱里營 黃平營 天柱營 石阡營

威甯鎮總兵統轄鎮標二營兼轄畢赤水城等營 鎮標左營 右營 畢赤營 水城營

綠營兵額清初未定攷明代京軍二十萬餘外軍九十九萬餘順治間不可考
大約視舊額約裁減十三四康熙兵制京巡捕三營經制馬步兵三千三百直
隸各標兵三萬七千山西二萬五千川陝總督陝甘兩巡撫及提鎮各標兵八
萬五千九百七十八四川四萬雲南四萬二千貴州二萬廣西二萬湖廣四萬
廣東七萬三千一百十人江南總督總清江寧安徽兩巡撫京口將軍四萬九
千八百五十浙江四萬三千四百五十江西萬五千福建六萬九千七百二十
六山東總河及撫鎮標兵二萬河南一萬都各省經制馬步兵五十九萬四千
四百十四逮乾隆二十九年次第增加各省多者一千至六千餘惟貴州加至
萬八千二百餘減者江西七百餘廣東四百餘浙江二千餘福建三千餘都六

十三萬七千三百二十三至五十年各省綠營兵額京巡捕五營一萬直隸三萬九千四百二山東萬七千五百四山西二萬五千七百五十二河南萬一千八百七十四江南四萬八千七百四十七江西萬三千九百二十九福建六萬三千一百十九浙江四萬三十七湖北萬七千七百九十四湖南二萬三千六百四十四四川三萬千一百十二陝甘八萬四千四百九十六廣東六萬八千九百四十四廣西二萬三千五百八十八雲南四萬千三百五十三貴州三萬七千七百六十九都五十九萬九千八百十四綜計數減於舊者凡四萬餘各省減者自數百至數千不等惟陝甘減至萬二千則以四十六年新增者不在此數而山東河南江南視舊額轉多蓋河漕標兵本定分額此實併入各省中也嘉慶十七年綠營都數爲六十六萬千六百七十一視乾隆中葉增額六萬餘各省均所有益惟浙江減額千餘其江南總額此分江寧七千三十九南河萬五千六百六十六漕運三千六百八十一江蘇二萬三千七百四十八安徽八千七百三十八總爲五萬六千八百七十二增舊額八千餘又舊額但舉山東此分山

東萬五千九百三十三東河四千二百四十一增額三千餘略可考見十九年
山西等省共裁兵萬五千四百餘內改馬戰兵爲步守兵共千二百餘道光初
元諭行裁汰減額萬餘復議裁改二十九年兵額直隸四萬千三百三十五山
東二萬五千七百七河南萬五千三百八十一東河併入山西二萬二千八百五江
蘇三萬八千一百八安徽九千四百四十二兩河併入江西萬二千四百七十
二福建六萬千六百七十五浙江三萬七千五百六十五陝西二萬四千七百
二十甘肅六萬八千八百六十二湖北二萬五千五百五湖南二萬七千百五十四
川三萬三千八百一十一廣東六萬八千三百二十二廣西二萬二千四百七十
二雲南三萬九千七百六十二貴州三萬六千四百七十七都五十八萬五千
四百十二京營萬名在外減於乾隆舊額且逾萬矣咸豐軍興以來緣營議裁迄同治
光緒間兵制一變直省厲行簡汰顧不能悉廢存額尙不爲少再綜近時綠營
兵額京巡捕營一萬外十六門門甲三百十門軍六百四十九萬九百五十直
隸四萬二千八百十山東萬七千八百七十五山西萬六千四十五河南萬四

百六十八江蘇二萬五千七百七十安徽九千三百六十四江西萬一千七百四十長江水師萬一千六十四福建二萬三千六百七十八臺灣八千二百六十八浙江二萬三千四百九湖北萬五千三百四十三湖南三萬零二十四陝西萬八千六百八十七甘肅萬二千七百二十五新疆二萬六千五百五十四川三萬千二百八十一廣東四萬六千七百七十四廣西萬四千一百十五雲南萬二千五百七十二貴州四萬二千九百五都四十六萬二千三百八十二取道光末年額較之減於舊者幾十二萬但舊額不及長江水師與臺灣云

清史稿

志

兵志三

防軍

陸軍

防軍初皆召募於八旗綠營以外別自成營兵數多寡不定分布郡縣遇寇警則隸於專征將帥二百年間調發徵戍咸出於此若乾隆年臺灣之役乾嘉間黔楚征苗之役嘉慶間川陝教匪之役道光年洋艘征撫之役皆暫募勇營事平旋撤故嘉慶七年楚北初設提督卽以勇丁充補標兵道光十七年以練勇隸於鎮筸鎮標二十三年以防守海疆之水陸義勇三萬六千人仍遺回本籍無防練軍之名也道咸間粵匪事起各省多募勇自衛張國樑募潮州勇丁最多咸豐二年命曾國藩治湖南練勇定湘軍管哨之制爲防軍管制所防迨國藩奉命東征湘勇外益以淮勇多至二百營左宗棠平西陲所部楚軍亦百數十營軍事甫定各省險要悉以勇營留防舊日綠營遂同虛設綠營兵月餉不及防勇四分之一升擢擁滯咸辭兵就勇粵捻旣左宗棠諸臣建議防營誠爲

勁旅有事則兵不如勇無事則分汛巡守宜以制兵爲練兵而於直隸江淮南北扼要之處留勇營屯駐遂有防軍之稱練軍始自咸豐間以勇營日多屢令統兵大臣以勇補兵額而以餘勇備緩急尙無別練之師至同治元年始令各疆吏以練勇人數口糧悉數報部稽核是年於天津創練洋槍隊二年以直隸額兵酌改練軍四年兵部戶部諸臣會議選練直隸六軍始定練軍之名各省練軍乃踵行之練軍雖在額設制兵內選擇而營哨餉章悉準湘淮軍制與防軍同其綠營制兵分布列郡汛地練軍則屯聚於通都重鎮簡器械勦訓練以散爲整重在屯防要地其用亦與防軍同故練軍亦防軍也同治光緒間各省所增編防練軍兵部戶部於光緒二十四年核其總數直隸練軍一萬一千人留防淮軍三萬一千人新軍一萬一千四百人毅軍一萬人奉天練軍一萬一千四百人吉林防軍八千五百九十八人練軍四千四百三十八人黑龍江練軍七千九百七十一人山西練軍四千九百人河南防軍九千一百九十八人陝西防練軍一萬四千四百五十人甘肅防軍一萬二千五百人新疆防軍二萬

七千八百四十五人塔爾巴哈臺勇營二千四百三十二人四川勇營一萬五千六百九十八人雲南防軍一萬五千三十三人貴州練軍九千四百八十六人廣東勇營一萬一千八百人廣西勇營一萬六千九百四十人湖南練軍一萬二千九百七十人湖北勇營一萬二千六百九十人新軍一千九十三人江西防軍九千三百六十三人安徽防練軍一萬一千二百九十人江蘇防軍二萬三千七百九十人自強軍三千一百七十人得勝軍三千人浙江防軍二萬一千三百人山東防軍一萬三千九百五十人福建防軍一萬五百四十人各省防軍練勇凡三十六萬餘人歲需餉銀二千餘萬兩其後綠營兵屢加裁汰各省衛戍之責遂專屬於防練軍光緒中葉後防練軍改爲巡防隊光宣之間又改爲陸軍至宣統三年各省巡防隊猶未裁盡也茲列同光宣三朝改設防練軍規畫於篇而以陸軍新制附焉防軍同治元年直隸省於大沽協標六營內選練五百人復增至二千五百人分爲五營營分十隊設總統一人翼長二人各營管帶一人副管帶二人正副令官二人帶隊官十人分隊官二十人沈

保植於江蘇省額兵一萬二千人內嚴汰老弱增補精銳分爲二班一班調至省城操練一班留防汛地半年換班其赴操者酌加練費較募勇之費不及其半練成卽調赴前敵助戰二年劉長佑以直隸省營務積年廢弛各營兵數多寡懸殊號令不一乃改仿湘軍成規以五百人爲一營設營官哨隊官及親兵分別隊伍旂幟申明號令改設六軍凡築營結陣諸法一律講求其步隊營制設營官一人哨官四人哨長五人什長四十人正兵三百六十人營官親兵五十人哨官護兵四十人營官自率中哨凡五百人其馬隊營制設營官一人幫辦二人督隊官五人每哨五棚每棚什長一人正兵九人營官自率中哨合仗兵馬夫凡三百十六人保定練軍馬步守兵一千九百五十人爲一軍宣化練軍一千四百八十人爲一軍古北口練軍二千四百十人爲一軍大名練軍一千二百三十四人爲一軍正定練軍一千四百八十人爲一軍通永練軍一千七百五十四人爲一軍共編爲六軍五年令遵化等處各駐防軍每軍定爲步隊二千人馬隊五百人在督標提標內選取凡一萬五千人分爲六軍領練兵

章程十七條隸總督節制以防畿輔又於六軍外續練防勇二軍以奉天留防隊伍調補直隸練軍缺額其訓練京營山神機營量增兵額是年左宗棠以福建省綠營額欠餉薄乃裁兵十成之四卽以裁餉加留營之兵并管操練六年丁寶楨於山東省增練馬隊三千人七年以各省綠營日益孱弱令各省以壯健練勇易之令曾國藩經理直隸省練兵事宜就全省綠營內抽練六千人仿勇營規制分地巡防海防議起調駐天津分中左右前後五營與勇營相犄角八年曾國藩以軍事既竣宜練兵不宜練勇而勇營良法爲練軍所當參用者一文法宜簡一事權宜專一情意宜洽減兵增餉汰弱留強嚴杜頂替之弊於原有練軍四千人外古北口正定保定各練千人統以東南戰將練成之後分爲四軍以二軍駐京北二軍駐京南俟功效既著增練五千人全省防營於未撤之九營外以劉銘傳全部淮軍駐防張秋以督標親軍炮隊營及前營副營駐天津以親軍炮隊營駐大沽炮臺以盛字中軍六營左軍三營仁軍二營馬隊五營駐馬廠青縣於運河西岸築炮臺五座駐盛字前軍三營右軍三營老

左軍一營於涪州駐樂字中左各一營其盛字營兼辦屯田以衛畿輔是年丁日昌以江蘇省自淮軍全部撤防以後江蘇撫標兵僅有一千六百餘人乃裁汰老弱補以勇丁分左右二營練習洋槍及開花炮諸技馬新貽以江南全省額兵一萬二千七百餘人分防各處徒有其名必須化散爲整始能轉弱爲強乃於督標內選千人爲左右營浦口瓜洲營內選五百人爲中營揚州泰州營內選五百人爲前營駐省城訓練於徐州鎮標內選千人爲徐防新兵左右營以地方之輕重定練兵之多寡劉錦棠以新疆全境自回民亂後旗營零落殆盡乃於烏魯木齊創設標兵於天山南北路各置額兵新疆所有駐防旗兵歸并伊犁整頓別以精騎重兵居中屯駐爲南北各路策應之師崇實以四川省軍事漸定酌裁防軍選練旗綠各營九年曾國藩於直隸省增募馬勇千人分爲四營原有額兵增足萬人分練馬隊步隊奏定各營哨之制及底餉練餉出征加餉之制爲北方重鎮十年鮑源深以山西省撫標兵仿曾國藩直隸練兵之法選練馬隊一營步隊二營以次推行各鎮吳棠以四川全省額兵類多疲

弱乃歸并訓練得精壯萬人王文韶以苗疆戡定所有湖南省留防軍三十營分布於湖南貴州接壤之區又於撫標提標內各選練精壯一營十二年令陝甘督臣左宗棠雲貴督臣岑毓英各選所部勇丁以補營兵之額是時中外臣工皆注意練兵李宗羲謂勇與兵有主客聚散勤惰之異未可易勇爲兵王凱泰謂各省練兵宜令更番換防雲貴蕩平以後兩省制兵亦宜換防調操以杜久駐疲惰之漸兵部諸臣會議以同治初年創議練兵京師神機營及直隸省六軍別籌練餉特立營制福建浙江廣東江蘇等省皆就所減之餉加於練軍河南山西山東湖南等省則按直隸之法於額兵內抽練於正餉外略加練費甘肅省則因軍事初定先練千五百人但各省所抽撥之兵不過原額十之二三若其餘之兵置之不問終成疲弱應令各省統兵大臣已練之兵以時休息其未練者次第調操期通省額兵咸成勁旅十三年都興阿於奉天各城額兵內選練馬隊二千人於各城八旗內選蘇拉千人爲餘兵俟客兵裁撤再行增練光緒二年崇實因奉天換防旗兵日久弊生乃於岫巖熊岳大孤山青堆子

等處改設練軍三年允李慶棠之議於河南省增設練軍步隊六年令各疆臣酌量裁兵各省防軍自裁撤後爲數尙多直隸陝甘須辦邊防雲南貴州則防軍較少此外各省均應大加裁汰水師自設兵輪船後舊式戰船水師亦分別去留旋廣西撫臣慶裕以廣西省兵單餉薄乃酌裁防軍以所節之餉仿直隸練兵章程在省標提標內各選練二營左右江兩鎮各選練一營岐元以奉天省自同治間馬賊四出肆擾先後商調客軍增練旂綠各營而營制餉章未能盡一光緒五年乃以直隸客軍歸并奉天省合槍炮馬步各隊釐定營制編爲奉字中左右前後馬步隊五營中軍增步隊一營丁寶楨因四川省自軍興以後川勇而外益以湖南貴州各軍多至六萬餘人事定次第裁并至光緒三年實存防軍一萬餘人須分守要隘未可再裁貴州防軍較他省爲少李明墀於光緒五年後陸續裁汰四千餘人李瀚章以湖北省防軍若升字三營忠義八營武毅七營水師七營皆扼要駐守不宜裁汰就湖北通省額兵酌量裁去三千餘人裕祿以安徽省自捻寇平後駐防皖南皖北各軍凡一萬八千餘人次

第歸并訓練實存水陸防軍萬人七年岑毓英因苗亂已平貴州之屯軍防勇
量爲裁并屯軍裁去九千人以裁軍補額兵酌改練軍旋移撫福建乃率貴州
練軍二千人赴閩教練閩省制兵譚鍾麟以浙江省防軍於光緒六年募足三
十營旋裁去四營以練軍十營駐溫州海門省垣各一營餘皆歸守汛地是年
以各省防軍歲餉甚鉅令統兵大臣一律嚴核不得有吞蝕空額諸弊八年崇
綺裁并奉天各軍於八旗捷勝營及東邊道標兵蒙古練勇外所有馬步營中
之南方防勇邊地勿良乃裁并爲一營餘悉遣歸原省任道鎔於山東省撫標
及兗曹鎮標內抽調步兵千二百人分爲三營加餉訓練張曜劉錦棠以伊犁
收復就關外營勇選練制兵改行餉爲坐糧略更舊制增馬隊重火器設游擊
之師復參用屯田法以足軍食九年張之洞練山西省軍隊由省標先練掃除
積習爲全省軍營模範李鴻章裁撤直隸省防軍除裁撤外實存直字榮字義
勝各營數千人與淮軍之親兵及仁軍盛軍銘軍楚軍等馬步水師三十九營
分防各地岑毓英以貴州苗疆多事原設重兵數逾三萬積久廢弛專恃防軍

定亂事定後以防軍歸入制兵雲南省制兵凡戰兵九千餘人守兵七千餘人塘汛堆卡零星散布而巡防緝捕專任練軍乃以戰兵屯聚於統將駐所隨時整飭潘霽裁并江西省防軍實存七千八百餘人每哨續裁十餘人量爲省并曾國荃綜核廣東省募兵之數於光緒六年張之洞曾募沙民千人守虎門楊玉科增募千人及惠清營五百人鄭紹忠募安勇二千人八年募勁勇千人駐欽州鄧安邦續募千人散布廣州各屬其廣東額兵實存九千餘人十年奎斌裁汰山西省兩鎮兵三千餘人挑練大同鎮馬步隊各一營太原鎮步隊一營十一年卞寶第裁湖南省綠營選精壯爲練軍給以雙餉其未足之額以營勇補之希元等抽撥吉林防軍左右路馬步營千五百人又於未練之兵及八旗臺站西丹內選三千人編爲吉字營分左右二翼修築壁壘歸營訓練岑毓英以雲南省沿邊之防軍一萬六千人分編三十營於每年瘴消之際親歷邊疆巡視防務卞寶第分湖南全額兵之半加以訓練編爲巡防營十二年劉秉璋以四川省防營漸染習氣所有壽字武字等十營巡鹽五營一律選練整飭十

三年穆圖善整理東三省練兵事宜每省挑練馬隊二起步隊八營奉天吉林黑龍江各足成四千五百人以克魯伯炮六十尊分配三省防營剛毅裁并山西省額兵六千人就餉練兵撫標馬隊一旗步隊三營太原鎮馬隊二旗步隊四旗大同鎮馬隊七旗步隊二營編列成軍其北路則以樹字各營分地巡防十四年岑毓英就雲南省內地防軍及邊關勇營內共選練九千六百餘人以符通省戰兵五成之數而邊境遼闊分防尙屬不敷乃增練三十營凡一萬五千四百餘人分防騰越蒙自各邊及大理普洱各府十五年譚鈞培更定雲南省營制雲南防軍於光緒二年劉長佑挑練戰兵以三百七十人編爲一營十年岑毓英以督師出關改編二百二十人爲一小營營分五哨哨各四隊隊各十人十一年合練軍各營以半防內地半防邊境仍以二百人上下爲一小營凡調防八成戰兵七十七營留防粵勇十二營獮黑防勇六營西南土防二十五營乃裁汰三成歸并整齊以三營爲一營每營分編五哨中哨六隊餘各三隊以散合整凡戰兵二十六營粵勇五營獮黑勇二營土勇十三營十六年張

曜練山東省步隊一營十七年福潤增練步隊左營鹿傳霖以陝西省自經亂後兵制未復乃酌留馬步防軍並練軍各營居中策應各路馬隊利於巡緝乃改步隊爲馬隊以節餉糈凡防練軍馬隊千五百人在平原及北山扼要駐守張煦以湖南省自湘勇回籍後專恃防軍彈壓各路凡防軍萬人水勇二千四百餘人乃歸并損益互爲聲援二十一年依克唐阿編定奉天省炮兵三哨合原有之防軍爲五營又以效力獵戶二千人編爲四營是年張之洞創練自強軍十三營於江南器械訓練悉仿歐洲二十二年張之洞練洋操隊二營於湖北聶士成於直隸駐防淮軍內選練馬步隊三十營仿德國營制操法編爲武毅軍二十三年張之洞以練軍重在操演令分防各營以十之一更番來省教以新操俟練成後轉授各營二十四年王毓藻練貴州軍隊先就省防三營改習洋操次第推及各營王文韶挑留直隸全省准練各軍二萬餘人編爲二十營分左右翼駐守大沽口及山海關以練軍三十三營分防內地及熱河等處色楞額以熱河兼轄蒙古兩盟十七旗而馬步防兵僅有千人乃增練壯丁五

百人爲一營馬隊五百人爲二營佐以炮隊百人增祺以福建省多山新練防軍宜重步隊參以炮隊增製過山快炮十二尊胡聘之以東直秦豫各省皆有防軍支餉自數十萬至百萬不等而山西省屏蔽畿疆僅有練軍五千人乃增練新軍固西路之防榮祿因北洋四大軍訓練已成分路駐防以武毅軍駐蘆臺爲前軍甘軍駐薊州爲後軍毅軍駐山海關爲左軍新建軍駐小站爲右軍別練萬人駐南苑爲中軍軍械不足令江南機器局撥解新式快槍三千枝快炮七尊原有之淮軍一萬二千人防練軍一萬九千人歸并訓練劉坤一以江南省之江甯鎮江吳淞江陰徐州五路防軍悉改習洋操所用軍械統歸一律是年令王大臣選京師神機營馬步萬人爲選鋒營令北方各省營伍由新建軍遣員教習南方各省營伍由自強軍遣員教習東三省防練各營伍由北洋武備學堂遣人教習二十五年李秉衡上言奉天仁育二軍訓練已成應擇地修築營壘俾成重鎮裕祿以直隸防練各軍爲數太多乃挑留馬步精兵一萬八百餘人編爲練軍步隊十二營馬隊二十營更定營制步隊以三百人爲一

營馬隊以二百餘人爲一營凡三十二營分爲直隸練軍左右翼以通永鎮總兵統左翼天津鎮總兵統右翼其新建等軍仍與宋慶之二十五營各守原防劉樹堂以浙江防軍雲字吉字勝字旅字各營凡十一營二十三旗并爲五軍名爲兩浙新軍用北洋武毅軍操法訓練松壽以江西省防軍有忠新等營二千餘人內江及嶺防水師二千四百餘人武威等營旗三千餘人分布各路乃在省城設全省營務處爲訓練各軍之總匯劉坤一以江南各軍歸并爲三十營加以新法教練漸有成效文興以盛京八旗制兵汰弱留強仿北洋練軍新法教練裕祥就四川駐防旗兵內選精銳爲一營陣法營制與防軍一式松壽以江西省新練防軍三千人撥解南北洋新式槍炮以資操練黃槐森選廣西省各軍先就省標提標及左右江各營挑練一千四百人爲各軍模範廖壽豐以浙江省寧波鎮海各營次第改習洋操省防各軍先練步隊三哨炮隊一哨凡標營及防練軍俟四哨教成更番改練推及全省二十六年端方以陝西新練洋操之馬步十三旗分防南北山隘是年令各省疆臣覈定將弁貪墨之

刑並整理浙江省防營積弊二十七年李興銳以江西防軍人數不一乃分爲五路釐定人數以中軍爲常備軍前後左右軍爲續備軍軍各五營營各五哨劉坤一以江南武衛先鋒軍江勝軍各二千人爲常備左右軍其餘防軍四十餘營悉編爲續備軍岑春煊以山西省兵制紛歧有練軍防軍晉威軍之判乃仿北洋武衛軍制以省標三千人分左右翼爲常備軍以太原大同二鎮兵共練三千人爲續備軍魏光燾以雲南省防軍二十四管營各二百五十人改編爲常備軍十二營營各三百人舊有練軍改爲續備軍均練習洋操丁振鐸於廣西省防軍三營內選千人爲常備軍各屬防軍就人數多寡練一二隊不等鄧華熙以貴州防軍及威遠營并練五營凡千五百人爲常備軍東西路練軍及緝捕營共二十九營選練五千七百人爲續備軍分防各隘是年設軍政司於天津總司直隸省准練各防軍操防事宜二十八年升允以陝西省新舊各軍均已改習洋操乃選精銳六旗爲常備新軍其忠靖八旗兩翼步隊武威兩翼馬隊改爲步隊十二旗以六旗爲續備防軍六旗爲續備長軍防軍有地方

之責長軍爲開荒之需以馬隊炮隊佐之二十九年夏時以江西省新軍僅有千二百人江防重要殊苦不足九江爲全省門戶乃別募一軍亦爲常備軍合中前常備兩軍共十營專防省城及九江二處以左右後續備三軍分防各地三十年曹鴻勛以貴州各軍於光緒二十六年改編爲常備軍續備軍共二十四營嗣因沿邊戒嚴增募防勇十九營而籌餉艱難遂每營酌減人數凡防練軍及親兵減存一萬五百餘人次第改習洋操潘效蘇於新疆標防巡練各軍三萬二千餘人內選存正勇一萬三千餘人於南北各路勻配分防三十一年練兵處王大臣以山東省武衛先鋒隊二十營分防散漫令擇地屯駐增募成鎮是年命鐵良校閱江蘇安徽江西湖北各省防軍練軍陸軍旗兵巡警兵鐵良遍閱各軍大都軍械不一操法亦未盡嫻舊營改練進步甚遲惟安徽練軍二隊九江常備五營湖北二鎮較爲生色三十三年張之洞以沿江督捕營下游緝匪營改編爲水陸巡緝隊王士珍以江北巡防隊改爲步隊六營馬隊二營其餘淮海水師練軍衛隊悉仍其舊錫良以雲南防軍二十七營鐵路巡防

十一營土勇一營凡三十九營次第改編新軍以全省防軍每營二百五十人爲定額分南防西防普防江防鐵路巡防爲五路凡四十七營宣統元年以熱河巡防強勝營改編常備軍以察哈爾原有之精壯精健等營改編爲巡防馬隊一營步隊二營徐世昌以奉天巡防隊分駐五路勦匪旋合編爲步隊一標其河防營亦一律改編王士珍因江南防軍步隊六營炮隊二營改隸江北乃合原有之巡防隊及留防各營編爲巡防第七營共巡防步隊八營以備練成一鎮原有衛隊增募一哨編爲一營尙有練軍三百人水師十棚均改爲巡防隊沈秉堃以雲南防軍內有各屬之保衛隊係舊日團營名爲營隊實卽鄉團未能遽改爲巡防隊廣福以伊犁軍標漢隊係金順西征營勇之舊其營制餉章均仿湘軍乃遵新章以步隊一營馬隊二旗爲左路巡防隊馬隊二旗爲右路巡防隊分駐惠遠惠甯各城袁樹助以山東省原駐淮軍於光緒二十四年移防長江新增防兵二營駐兗沂二府及德州均當南北要道未能遽裁聯魁以新疆籌餉維艱就原有防營改編爲步隊三營馬隊二營又增編工程兵一

隊馬隊一營勉成一協寶葵以山西省軍隊向分太原大同口外三大支巡防隊乃歸併分編爲中前後三路各以統領節制之凡馬步二十二隊吳重熹以河南省巡防營不合部章就通省巡防步隊二十八營馬隊十二營分爲五路豫正左軍爲中路南陽鎮爲前路歸德鎮爲左路河州鎮爲右路豫正右軍爲後路趙爾巽以四川省防軍二十九營編爲六軍每軍六營分中前後左右副中爲六路分駐防境其防守甯遠之靖字二營游擊步隊二營增募甯遠之靖字後營改爲巡防副左路副右路兩軍每三營爲一軍成都駐防滿營亦改編巡防隊三營俾臻一律瑞改以江蘇省各營練成一協外尙有太湖水師巡防隊陸師左右巡防隊係陸路三旗及蘇捕營衛隊等先後改編者乃次第換防調操以免弛懈二年岑春煊改編湖南省巡防隊酌定餉章卽日成軍其餘緝私三旅改爲南路巡防隊孫寶琦改編山東省巡防隊所有中前後左右五路各就坐營之中哨改編其炮隊以快炮六尊爲一隊各府州縣巡勇悉改爲巡防隊兌沂曹三府原有之巡防營亦遵新章編練恩壽以陝西省巡警軍悉改

爲巡防隊楊文鼎以湖南省巡防隊分爲中東西南四路駐防各府崑源以察
哈爾八旗壯丁編練巡防馬隊松壽以裁撤福建全省之綠營兵改爲巡防隊
十六營分五路駐防各府張人駿以兩江巡緝隊及師船十艘改爲探訪隊其
沿江巡防隊深資得力以協解北洋之淮軍餉爲巡防軍餉並以江防軍分駐
江甯省城錫良以奉天原有之協巡隊備補隊炮隊衛隊各防營遵章改編爲
陸軍步隊一標炮隊一營是年山東山西撫臣咸擬緩裁巡防軍以靖地方三
年張人駿以兩江巡防軍關係重要其屬於江南者馬步三十二營屬於江蘇
者步隊六營屬於江北者步隊八營一哨馬隊一營江南北地勢扼要未可議
裁並擬以新兵中副二營留防三隊改爲第一二三巡防隊以一哨爲提督衛
隊丁寶銓以山西太原滿營於光緒二十八年已改練新操乃遵章改編爲巡
防隊恩壽以陝西省巡警軍已改編巡防隊並設馬步巡防營務處慶恕以青
海墾荒已開墾六萬餘畝原有巡防隊不數分布增練防軍一旗誠勳以熱河
雖有直隸練軍八營僅防朝建一帶其先後所練巡防隊十三營分防各屬未

能遽改陸軍張勳以長江巡防馬步炮隊十三營分駐浦口六合江甯蘇州懷遠各府縣並在沿江一帶廣布偵探以靖盜源瑞澂以湖南六營已裁所有撫標之兵選精壯編巡防一營此改設防練軍之大略也自咸豐軍興由綠營改爲勇營爲留防營爲練軍爲巡防隊爲陸軍兵制變而益新至宣統年非特綠營盡汰卽湘淮營勇駐防南北洋者所存亦無幾矣

陸軍新制始於甲午戰後步軍統領榮祿疏保溫處袁世凱練新軍是日新建陸軍復練兵小站名曰定武軍兩江總督張之洞聘德人教練新軍名曰江南自強軍其後榮祿以兵部尚書協辦大學士節制北洋海陸各軍益練新軍是爲武衛軍庚子亂後各省皆起練新軍或就防軍改編或用新式招練至光緒三十年畫定軍制京師設練兵處各省設督練公所改定新軍區爲三十六鎮新軍制始畫一三十三年京外新練陸軍除禁衛軍外統計近畿第一鎮駐京北仰山窪官七百四十八員兵一萬一千七百六十四名第六鎮駐南苑官七百四十七員兵一萬一千八百四十六名直隸第二鎮駐保定永平等府官

七百三十七員兵一萬一千七百三十一名第四鎮駐馬廠官七百四十八員
兵一萬一千七百五十六名山東第五鎮駐省城濰縣昌邑等處官七百四十
八員兵一萬一千七百六十四名江蘇第二十三混成協駐蘇州等處官二百
七十四員兵四千三百四十五名江北第十三混成協駐清江浦官三百七十
六員兵二千四百八十一名安徽步隊二標馬隊一營礮隊一隊駐省城官二
百五十三員兵四千一百五十五名江南第九鎮步隊一營馬隊二隊駐省城
等官七百八十九員兵八千二百五十五名江西步隊一協馬隊二隊駐省城
官二百三十一員兵四千二百八十七名河南第二十九混成協駐省城官三
百三十八員兵五千六百十八名步隊一協馬礮隊各一營調駐京城官一百
六十二員兵三千八十五名湖南步隊一協礮隊一營駐省城官二百四十八
員兵四千五十六名湖北第八鎮駐省城官七百二員兵一萬五百二名第二
十一混成協駐武昌漢陽及京漢鐵路官二百八十八員兵四千六百十二名
浙江步隊一協駐省城官一百五十九員兵二千三百八十四名福建第十鎮

駐省城及福甯延平等處官四百五十五員兵六千七百八十八名雲南步隊
一協礮隊一營駐省城及臨安官二百三十八員兵四千二百四十八名貴州
步隊一標礮隊一隊駐省城官一百七員兵一千八百四十六名四川步隊駐
省城官十二員兵六十一名山西步隊二標馬礮隊各一營駐省城官二百六
十二員兵四千五百五十七名陝西步隊一協礮隊一隊駐省城官二百二十
員兵三千九百三十六名甘肅步隊二標礮隊一營駐省城河州固原西甯官
二百二十一員兵四千一百二十八名新疆步隊一協馬隊一標礮隊一營駐
省城官一百六十七員兵二千三百二十二名東三省第三鎮駐吉林省城長
春甯安廷吉及奉天錦州等處官七百五十三員兵一萬一千八百八十三名
第一混成協駐奉天省城官三百三員兵三千五十九名第二混成協駐奉天
新民等處官三百四員兵五千五十三名步隊一協一標礮隊一營駐吉林官
三百六十一員兵七千八百七十名宣統三年統計除前列外浙江成第二十
一鎮雲南成第十九鎮四川成第十七鎮奉天成第二十鎮吉林成二十三鎮

廣東成第二十六鎮駐省城廣西成第二十五鎮駐省城及桂林等處先後共成二十六鎮未幾武昌陸軍先變各省應之而三十六鎮卒未全立云